

57.4(91.4)
Cv

FOR THE PEOPLE
FOR EDUCATION
FOR SCIENCE

LIBRARY
OF
THE AMERICAN MUSEUM
OF
CANCELLED
NATURAL HISTORY

THE UNIVERSITY OF MICHIGAN LIBRARIES



SAY

MASANTOS A EVANGELIO

NA

57.4(91.4)
c✓

CATAOAN TIN JESU CRISTO

ED ONUNG NA DINEMUET

NEN

SAN JUAN.

(Philippines)

London :

BRITISH AND FOREIGN BIBLE SOCIETY.

1899

GRAD

BS

2269

- P3

S72

1899

Buhr

24-94551 Apr.

ST. JOHN IN PANGASINAN.

Mr. Bulh
UID 83-8-10-55 (1)
22-20

SAY MASANTOS A EVANGELIO
NA CATAOAN TIN JESU CRISTO
ED ONUNG NA DINEMUET
NEN S. JUAN.

Inmonan caoloan.

NEN inmona oala lay Verbo, tan say Verbo
oala ed Dios, tan say Verbo sicutoy
Dios.

2. Saya oalad Dios nen inmona.

3. Ganaganay agaoa ed panamuegley to,
tan angapoy agaoa day agaoa no ag lapud
sicato.

4. Diad sicato so caoalay bilay, tan say bilay
so sileo day catooan.

5. Tan say sileo masnag ed saray cabi-
lungtan, tan ag da abirbir na saray cabi
lungtan.

6. Oala oari so saquey a toon inbaqui na
Dios, a say ngaran to si Juan.

7. Saya linma dian mamatasi, piano tasian

toy Sileo, piano macapanisia iran amin ed panamuegley to.

8. Alioan sicato so Sileo, no ag piano tasian to comon so Sileo.

9. Saman a Verbo sicutoy matuan Sileo, ya sindagan to ray amin too nen nianac ed mundo.

10. Diad mundo so caoalaan to, tan sicutoy amalsay mundo, tan ag acabatan na mundo.

11. Linma diad ed *quien* to, tan saray quien to ag da inaco.

12. Bang saray amin ya angaco ed sicato, initdan to ray pacayarin nagaoa iray anac na Dios, sara *lanti* so manisia ed ngaran to;

13. Ya ag ira nianac ed dala, tan nanlapud linaoay laman, no nanlapud linaoay too, no ag inguen nanlapud Dios.

14. Tan saman a Verbo agaoay laman, tan nanayam diad sicutayo, (tan anengneng mi so gloria to, gloria *lanti* singa na Bocbocton nen Ama,) a napnoy gracia tan catuaan.

15. Si Juan atasian to, tan nanaquis a nancuan: Say ontomboc ed siac, sicutoy acaona ed siac, lapud inmona nen siac.

16. Ta diad capanoan to so pangala tin amin, tan say gracia lapud gracia to.

17. Ta say gangan initdan a *tua* nen Moises; bang say gracia tan catuaan agaoa ira nen Jesu Cristo.

18. Angapoy acanengñenã na Dios laoas : Say Anac Bocbocton ya oala ed casenoan nen Ama, sicutoy anguipicabat ed sicutayo.

19. Tan saya so panagtasi nen Juan, nen ibaqui ray Judios a nanlapud Jerusalem so saray sacerdotes tan Levitas ya nantepuet ira ed sicato : ¿ Opa ca casi ?

20. Tan pinatua to, tan ag to pinandian, no ag inguen nibalicas to *salanti* : Alioan ac si Cristo.

21. Tan tinepuet da : ¿ Anto sirin ? ¿ Sicay Elias ? Cuanto : Andi. ¿ Sica so profeta ? Tan inmuebat : Andin *tua*.

22. Cuan da sirin ed sicato : ¿ Opa ca ? piano oalay ebat mi ed saray anguibaqui ed sicami. ¿ Antoy cuan mo ed sican dili ?

23. Say cuan to : Siac so voces na maningal ed calaoacan : Puetec yoy dalan nen Cataoan, onung na sinalitan nen profetan Isaias.

24. Tan saray abaquian, nanlapo ra ed saray Fariseos.

25. Tan tinepuet dan nancuan ed sicato : ¿ Aquin casi, sirin, manbiniag ca, no ag ca si Cristo, no si Elias, no say profeta ?

26. Tan inmuebat si Juan ed sicara, nancuan : Siac *a tua* manbiniag na danum, bang balet oala oari ed puegley yo, so ag yo nacabatan.

27. Sicato so oncanan ontomboc ed siac, a sicutoy inmona nen siac ; tan ag co canepue-

gan so manocbar na singuer a catag na saping to.

28. Agaoa iraya ed Betabara diad bieca saquey na Jordan, iner so inpanbibiniagan nen Juan.

29. Nen agueon saquey anengñeng nen Juan si Jesus, ya onlad caoalaan to, tan cuan to: Nia lay corderos na Dios, ya mamaecal na casalaman ed mundo.

30. Sicatoya so cuan co oari: Ontomboc ed siac so laqui: ya acaona ed siac, ta sictory inmona nen siac.

31. Tan ag co acabatan oari; bang balet piano nipatnag comon ed Israel, canian linma ac dia nanbiniag na danum.

32. Tan pinatua nen Juan, nancuan: Anengñeng coy Espiritu, ya nanlapud taoen singa malapati, tan tinmonda ed tapueo to.

33. Tan ag co acabatan oari; bang say anguibaqui ed siac a manbiniag na danum, sicutoy cuan tod siac: Say anengñeng moy nasacobay Espiritu, ya manpainaoa ed sicutoy, sicutoya so macabiniag na Espiritu Santo.

34. Tan anengñeng co tan pinatuac, ya sicutoy so anac na Dios.

35. Tan nen agueon saquey oadman la muet si Juan tan duara ed saray binangatan to.

36. Tan nen tinandaan toy Jesus, ya nanacaracar ditan, cuan to: Nia lay corderos na Dios.

37. Tan arenguel day duaran binangatan ya nansalitay *onia*, tan tinomboc day Jesus.

38. Tan nen nilingay to ra nen Jesus, tan alicas to ya ontotomboc ira ed sicato, cuan to ed sicara: *¿*Antoy anapuen yo? Tan cuan da: Rabi (ya cabalicsan to, Managbangat,) *¿*iner so panayaman mo?

39. Cuan to ed sicara: Gali dia tan neng-neng yo. Linmara *sirin* tan anengneneng da so panayaman to, tan atilac ira ed sicato diad saman a agueo, ta comapoloy horas la.

40. Sicatoy Andres, agui nen Simon Pedro, saquey ed saray duara ya acarenguel iray Juan, tan acatomboc ira.

41. Saya nalmo to nen inmona so agui ton Simon, tan cuanto ed sicato: Nalmo mi si Mesias (ya cabalicsay Cristo).

42. Tan inacar to ed Jesus. Tan nen nilingay nen Jesus, cuan to ed sicato: Sica so Simon, anac nen Jonas; sican ningaray Cefas (ya cabalicsan toy Bato).

43. Nen agueon saquey labay oari nen Jesus so onla ed Galilea; tan nalmo toy Felipe, tan cuan to ed sicato; tomboc ca ed siac.

44. Tan nianac si Felipe diad Betsaida, ya ciudad nen Andres tan Pedro.

45. Si Felipe nalmo toy Natanael, tan cuan to ed sicato: Nalmo mi so saman a *laqui* a sinulatan nen Moises diad gangan, tan saray

profetas muet : si Jesus *lanti*, anac nen Jose na Nazaret.

46. Tan cuay Natanael ed sicato : ¡ Oala casi maong ya napanlapoan ed Nazaret ? Cuan nen Felipe ed sicato : Gala tan neng-neng mo.

47. Anengneneng nen Jesus si Natanael a dinmago ed sicato, tan cuan toy nipaacar ed sicato : Saya so matuan Israelita, ya angapoy casaolan to.

48. Cuan nen Natanael ed sicato : ¡ iner so pancabatan mo ac ? Inmuebat si Jesus ed sicato, tan cuan to : Nen ag ca ni ataoag nen Felipe, anengneneng ta ca nen oadman ca ed sirum na higuera.

49. Inmuebat si Natanael, tan cuan to ed sicato : Rabi, sica so anac na Dios ; sica so Ari na Israel.

50. Inmuebat si Jesus tan cuan to ed sicato : ¡ Ta lapud cuan co ed sica : Anengneneng ta ca ed sirum na higuera, manisia ca ? balbaleg nen saraya so nanengneneng mo.

51. Tan cuan to ed sicato. Tua lan tua cuan co ed sicayo : Manlapud natan nanengneneng yoy alucasay taoen, tan saray angeles na Dios ya onseguen tan onlecsab ed tapueo na Anac na Too.

Comaduan caoloan.

TAN nen comatlon agueo agaoay casal diad Cana na Galilea; tan oadman so ina nen Jesus.

2. Tan ataoag muet si Jesus a pati saray binanġatan to diad bansal.

3. Tan nen aopot lay alac, cuay ina nen Jesus ed sicato: Angapoy alac da.

4. Tan cuan nen Jesus ed sicato: ¿Antoy pibianġ cod sica, bii? ag ni acasabi so horas co.

5. Cuan ina to ed saray managsirbi: Gaoaen yoy amin a ibaga to ed sicayo.

6. Tan oala radman so anemiran pasig a muelag na bato a panguiaay danum, onunġ na ogali na panagsimpit day Judios, ya nilugan ed sinansaquey ra so duara no taloran banġa na *danum*.

7. Cuan nen Jesus ed sicara: Napano yo rayan pasig na danum. Tan apano ra anġad buleo.

8. Tan cuan to ed sicara: Ala yo natan tan ipanengñenġ yo ed macanpansirbi. Tan inpanengñenġ da ed sicato.

9. Tan nen ataoayan na macandispen so danum ya aoman ed alac, ya ag to antay panlapuan to, (anta ra balet na saray managsirbi, ya acapaoay ira na danum,) say ma candispen ataoag toy manġasaoan laqui,

10. Tan cuan to ed sicato: Say amin too paoayen to ni so maong a alac; tan nen napsel la ra, so maogues: sica balet inatol moy maong a alac angad natan.

11. Saya so gapo day macapaquelao agaoay Jesus diad Cana na Galilea, tan inpanengnenŋ toy gloria to: tan saray binangatan to acapanisia ira ed sicato.

12. Nen ayari itan linmad Capernaum, sicato tan say ina to, tan saray agagui, tan binangatan to, tan nanayam irad man diad andin daquel a agueo.

13. Tan nasinguer lay Pascua day Judios; tan linma si Jesus diad Jerusalem.

14. Tan nalmo tod simbaan so saray anguilaco na bacan laqui tan ovejas tan saray malapati, tan saray managsalat a nanyur-yurung.

15. Tan nen agaoa toy leuet na lubir, pinaoay to ra ed simbaan, tan saray ovejas tan bacan laqui; tan pinaibunŋ to ray pilac day managsalat, tan nibantac to ray lamesaan.

16. Tan cuan to ed saray anguilaco na malapati: Ecal yo tan dia; tan ag yo naoman so abunŋ nen Amac ed abunŋ na panguilaco.

17. Nen satan anonotan day binangatan to ta oalay nisulatan: Say aro ed abunŋ mo binoag to ac.

18. Tan inmuebat iray Judios a nancuan

ira : ¿ Dinan casi so tandan ipanengnenḡ mo ed pacagaoan itan ?

19. Inmuebat si Jesus tan cuan to ed sicara : Bagbag yo yan simbaan, tan ipalaguey co ed taloran agueo.

20. Insan cuan day Judios : Pinalaguey ian simbaan ed apat a polo tan anem taon, ¿ tan ipalaguey mo diad taloran agueo ?

21. Sicato balet nansalitay nipaacar ed simbaan na laman to.

22. Canianti nen inmolin binmilay, anotan day binangatan ta inbaga to nia ; tan sinisia ray Sulat tan salitan inbaga nen Jesus.

23. Tan nen oadman ed Jerusalem, diad Pascua, ed agueo na panpiestaan, daquel ira so nanisia ed sicato, lapud anengnenḡ day macapaquelao a guinaoa to.

24. Bang balet si Jesus a dili ag to ra sisiaen, lapud cabat to ray *caposoan* dan amin.

25. Tan ag to cauculanḡ ya napatua na buengatla so nipaacar ed too, lapud cabat to so caloobay too.

Comatlon caoloan.

TAN oalay saquey a too *na secta* day Fari-seos, a nangaray Nicodemo manonan too ed saray Judios.

2. Saya linma nen labi ed caoalay Jesus, tan cuan to ed sicato : Rabi, anta mi ta linma ca dia nanlapud Dios, a nigaton can Managbangat ; lapud angapoy macagaoa na sarayan macapaquelao a gaoen mo, no ag oalay Dios ed sicato comon.

3. Inmuebat si Jesus tan cuan to ed sicato : Tua lan tua cuan co ed sica, ta say ag nianac la muet, ag macanenñnenñ na panariay Dios.

4. Cuan nen Nicodemo ed sicato : ¿ Panon casi nayari toon nianac la muet, no masiquen la ? ¿ nayarian to lagui onloob la muet ed egues na ina to, tan insan nianac ?

5. Inmuebat si Jesus : Tua lan tua cuan co ed sica, ta say ag nianac nanlapud danum tan diad Espiritu Santo, ag macaloob ed panariay Dios.

6. Say nianac ed laman sicutoy laman ; tan say nianac ed Espiritu, sicutoy espiritu.

7. Ag ca niquelaoan, ta lapud incuan co ed sica : Caoculanñ ya nianac qui la muet.

8. Say daguem onguigui ed iner to labay tan narenñuel mo so gagaygay to, bang ag mo anta balet no iner so panlapuan to o iner so laen to : ontan na amin too ya nianac ed Espiritu.

9. Inmuebat si Nicodemo, tan cuan to ed sicato : ¿ Panon casi nayari itan gaoen ?

10. Inmuebat si Jesus tan cuan to ed si-

cato. Sican managbangat diad Israel tan ag moyan anta?

11. Tuan lan tua cuan co ed sica; ta say anta mi, sicutoy salitaen mi, tan say aneng-neng mi, sicutoy tasian mi, tan ag yo naaco so pantasian mi.

12. No inbagac ed sicayo so saray mangaraldalin, tan ag qui manisia, ipanon manisia cayo, no ibagac so saray mangataoen?

13. Tan angapoy sinmueguep ed taoen, no ag say linmuecsab a nanlapud taoen, a *salanti* say Anac na too ya oala ed taoen.

14. Tan onung nen Moises pinalaguey toy oleg ed calaoacan, ontan naoculang ta ipalaguey so Anac na too;

15. Piano ag nabalanğ so amin a manisia ed sicato, no ag oala to so bilay andi angaan.

16. Ta ontan so inpanğaroy Dios so mundo nia, ta initer to so Anac ton Bocbocton, piano ag nabalanğ so amin ya manisia ed sicato, no ag oala to so bilay andi angaan.

17. Ta ag inbaqui na Dios so Anac to ed mundo, piano naatolan toy mundo; no ag inguen piano nilaban so mundo ed panamuegley to.

18. Say manisia ed sicato, ag naatolan; bang say ag manisia atolan la, lapud ag nanisia ed ngaran na Anac a Bocbocton na Dios.

19. Tan say *panlapuay* caatolan da, *salanti*

ta say sileo linma dia ed mundo, tan saray totoo inaro da nin baleg so cabilunġtan nen say lioaoa, ta lapud maogues iray gaoa ra.

20. Ta say amin macagaoa na maogues, gulaen toy lioaoa, tan ag ompaoay ed lioaoa, piano ag naocom iray gaoa to.

21. Banġ balet say manġaoay catuaan, ompaoay ed lioaoa, piano mapatnag iray gaoa to, ta lapud agaoa ira *onunġ na calictay* Dios.

22. Nen ayari atan, linma si Jesus a pati saray binanġatan to ed dalin na Judea, tan oadman ed sicara, tan nanbiniag.

23. Tan nanbiniag muet si Juan diad Enon ed abay na Salim, lapud daquel iray danum diman; tan dinmago ira tan abiniagan.

24. Ta lapud ag ni apresoan si Juan diad carsel.

25. Tan oala oari si colcol day binanġatan nen Juan tan saray Judios a nipaacar ed panagsimpitan.

26. Tan acarago ira ed Juan, tan cuan da ed sicato: Rabi, say oala ed sica ed biee a saquey na Jordan, ya pinatasian mo, nia lay manbibiniag, tan onla ray amin ed sicato.

27. Inmuebat si Juan, tan cuan to: Ag naaco na too so buenġatla, no ag naiter ed sicato manlapud taoen.

28. Sicayon dili so macatasi ed siac, ta incuan co: Alioan siac so Cristo, no ag inbaqui ac ed arap to.

29. Say macanoalay asaoan bii, sicutoy asaoan laqui; bang say casalo na macanasaoa, ya oalan onalaguey tan mandenġuel ed sicato, naliquetan na baleg ed voces na macanasaoa: canianti asunġpal ian liquet co.

30. Sicutoy oncanan onbaleg; siac balet onmuelag.

31. Say onla dia manlapud taguey, onbaleg nen saray amin; say manlapud dalin, madalin a too, tan salitan to ray manġaraldalin; say manlapud taoen, onbaleg nen saray amin.

32. Tan say anenġnenġ tan arenġuel to, sicutoy patasian to, tan angapoy manġaco na panagtasi to.

33. Say manġaco na panagtasi to, sinilloan to ta matua so Dios.

34. Ta say inbaqui na Dioa, salitaen to ray salitay Dios; ta ag nasucat na Dios so Espiritu ed sicato.

35. Say Ama aroen toy Anac, tan initdan toy ganagana ed lima to.

36. Say manisia ed Anac, oala toy bilay andi angaan: bang balet say ag manisia ed Anac, ag to nanenġnenġ so bilay, no ag say sanoc na Dios manayam ed sicato.

Comapat a caoloan.

CANIAN TI nen atalos an nen Jesus, ta aren-
ġuel day Fariseos ya si Jesus macagaoa

tan macabiniag na daquel a binanġatan nen si Juan,

2. (Angano ag manbiniag si Jesus, no ag saray binanġatan to,)

3. Tinainan toy Judea, tan pinmaoil la muet ed Galilea.

4. Tan quinaoculanġ ton onlalabas ed Samaria.

5. Linma sirin ed saquey a ciudad na Samaria, ya nġaran toy Sichar, diad abay na caumaan a initdan nen Jacob ed anac ton Jose.

6. Tan oadman so bobon nen Jacob. Si Jesus, sirin, lapud nacsaoan ed dalan, nanyurunġ ed abay na bobon. Tan saman so horas a comanem.

7. Linmad man so saquey a bii nanlapud Samaria a paitatabo to comon so danun *ed bobon*, tan cuan nen Jesus ed sicato: Painum mo ac.

8. (Ta lapud saray binanġatan to linmara ed ciudad a manalio ira na canen da.)

9. Tan cuay biin Samaritana ed sicato: ¿Panon casi no Judios ca, quereoen mo ed siac ya bii ac a Samaritana ta painum ta ca? Ta saray Judios ag ira mibianġ ed saray Samaritanos.

10. Inmuebat si Jesus tan cuan to ed sicato: No cabat mo comon so palanġcap na Dios, tan opa so manġuibaga ed sica; Painum mo

ac ; sica so mangũipicasi ed sicato, tan sicato so mangũiter ed sica na danum a mabilay.

11. Cuay bii ed sicato : Cataoan, angapoy pantaboan mo tan aralem so bobon : ¿iner so caoalaan moy danum a mabilay ?

12. ¿Balbaleg ca lagui nen say ama mi si Jacob ya nancotcot ian bobon, a diad sicato ininum to, a pati saray anac to tan ayep to ?

13. Inmuebat si Jesus tan cuan to ed sicato : Say buenġatlan macainum na sayan danum, maigum la muet.

14. Banġ balet say macainum na danum ya iter co ed sicato, ag la maigum laoas : banġ say danum a iter co ed sicato naoman diad sicato ed saquey a agos ya onbubutay ed bilay andi angaan.

15. Cuay bii ed sicato : Cataoan, iter mo ed siac so sayan danum, piano ag ac la maigum tan ac la onla dian mantatobo.

16. Cuan nen Jesus ed sicato : Laca, taoag moy asaoam tan onla ca dia.

17. Inmuebat so bii, tan cuan to : Angapoy asaoac. Cuan nen Jesus ed sicato : Maonġ so cuan mo : Angapoy asaoac :

18. Ta limaran lalaqui so inasaoam, tan say oala natan ed sica, ag mo asaoa : sayay cuan mo ed catuaan.

19. Cuay bii ed sicato : Cataoan, isip co ta profeta ca.

20. Saray ateng mi ingalang day *Dios* ed

sayan palandey, sicayo balet cuan yo, ta diad Jerusalem so oncana comon a pangũigalang.

21. Cuan nen Jesus ed sicato : Bii, sisiaen mo ac, ta onsabi horas, bang no ag yo igalang so Ama diad sayan palandey, no diad Jerusalem :

22. Sicayo igalang yo so ag yo anta : sica-mi igalang mi so anta mi ; ta say quilaban diad saray Judios so panlapuan to.

23. Bang onsabi so horas, tan natan la, bang no saray matuan manangũigalang igalang day Ama diad espiritu tan catuaan ; ta say Ama saraya muet a manangũigalang anapuen to, ya igalang dad sicato na ontan.

24. Say Dios sicutoy Espiritu, tan saray mangũigalang ed sicato, caoculang ya igalang da ed espiritu tan catuaan.

25. Cuay bii ed sicato : Antac ta onsabi lan onsabi so Mesias, ya nibagay Cristo : Bang no onsabi, sicutoy mangũibalicas na amin ed sicami.

26. Cuan nen Jesus ed sicato : Siac lanti, ya mansalsalita ed sica.

27. Diad satan pinmaoil iray binangatan, tan aquelaoan ira ta aquitungtungt ed saman a bii ; bang balet angapoy nantepuet ed sicato : ¿Antoy pibalitaan mo ? No, ¿antoy tungtungen mo ed sicato ?

28. Nen satan say bii tinainan toy pasig

to, tan linma ed ciudad tan cuan to ed saray totoo diman :

29. Gali dia, tan nenġnenġ yoy too ya anġuibaga ed siac na amin a agaoac ; ¿no sicato lagui si Cristo ?

30. Tan pinmaoay ira ed ciudad, tan linmara ed caoalaan to.

31. Legan tonia, aquicasi iray binanġatan ed sicato, nancuan ira : Rabi, manġan ca.

32. Tan cuan to ed sicara : Oalay canen a canen co, ya ag yo anta.

33. Nen satan nansicuan iray binanġatan saquey ed saquey : ¿No oala casi nanaoit na canen ed sicato ?

34. Cuan nen Jesus ed sicara : Say canen co so macaonor ac lanti na linaoa na anġuibagui ed siac, tan macasunġpal ac na gaoa to.

35. ¿Ag yo casi cuan, oala ra ni so apat bulan anġad onsabi so panagani ? Nia cuan co ed sicayo : Ontandag cayo, tan licas yo ray caumaan ya amputi ira ed panagani.

36. Tan say manani, acoen toy opa, tan itipon toy bonġa ed bilay ya andi angaan ; piano say mantanem onliquet muet, tan say manani.

37. Ta diad satan so matuan a salita : Ta saquey so mantanem, saquey balet so manani.

38. Siac anġuibagui ed sicayon manani na

ag yo quini muey; saray arum so nanquimuy, tan sicaya balet linmoob ed panquimueyan da.

39. Tan daquel so Samaritano, ed saman a ciudad ya acapanisia ed sicato lapud salitay bii ya nanpatuan nancuan: Ta inbaga to ed siac so amin a agaoac.

40. Nen sinmabi sirin so saray Samaritano, aquicasi ira ed sicato ya natilac comon ditan; tan atilac diad sicara na duaran agueo.

41. Tan daddaquel ni so acapanisia ed sicato lapud salita ton dili;

42. Tan cuan da ed bii; Ag iti la manisia lapud salitam: ta sicamin dili acarenğuel; tan anta mi ya sication tua so Manundun na mundo, si Cristo *lanti*.

43. Tan nen linmabas so duaran agueo pinmaoay ditan, tan linma ed Galilea.

44. Ta lapud si Jesus a dili nanpatua, ta say profeta angapoy galanğ to ed dalin to.

45. Tan nen sinmabi diad Galilea, inaco ray Galileos, lapud anenğnenğ day amin ya agaoa to diad Jerusalem sanen agueo na piesta, ta linmara muet ed piesta.

46. Linma sirin si Jesus la muet diad Cana na Galilea, iner so inpaoman toy danum ed alac; tan oala *nen saman* so saquey a ministros na ari, ya oalay anac ton agmacayari.

47. Saya, nen arenğuel to, ta onsabi si Jesus nanlapud Judea anğad Galilea, linma ed

sicato, tan aquicasi ya mila ed sicato, piano natambal toy anac to; ya onpapanabos la.

48. Nen satan cuan nen Jesus ed sicato: No ag yo nanengñengñ comon so tatanda tan macapaquelao, ag qui macapanisia.

49. Say ministros cuan to ed sicato: Cataoan, gala no ag ni inatey so anaco.

50. Cuan nen Jesus ed sicato: Laca, ta mabilay so anac mo. Tan sinisiay too so salitan nibagay Jesus tan inmanla.

51. Tan nen linma la, inmarap ed sicato so saray aripuen, tan inpaanta ra ed sicato, nancuan ira: Mabilay so anac mo.

52. Tan tinepuet to ed sicara no dinan casi horas a guinmapon onabig. Tan cuan da ed sicato: Careman diad comapiton horas tinainan na puetangñ.

53. Tan atalosan na ama to ta sicutoy horas nen inbaga nen Jesus ed sicato: Mabilay so anac mo: tan nanisia, sicato tan saray amin a caanacan to.

54. Sayan comaduan tanday agaoa nen Jesus la muet; nen nanlapud Judea sinmabi ed Galilea.

Comaliman caolaon.

NEN ayari la raya, sinmabi so saquey a piesta day Judios, tan linma si Jesus diad Jerusalem.

2. Tan oala ed Jerusalem so saquey a pana-

muesan, ya nangaray Betesda ed salita Hebrea, ya alibuerañ na oalora silunġan.

3. Diad saraya oalaray daquel a agmacayari, bulag, piley, tan amaga, ya nanaalagar ira na galao na danum.

4. Ta lapud diad tinandaan a agueo sinmabi so saquey a angeles diad panamuesan, tan pingalao toy danum: tan say acaonan onlecsab ed panamuesan nen apagalao so danum, atambal ed buenġatlan saquit a oala ed sicato.

5. Tan oadmay too ya talompolo tan oalon taon to lan asaquitán.

6. Banġ nen anenġnenġ nen Jesus so sayan toon nandocdocol, tan atalosan to ya abayag la, cuan to ed sicato: ¿Labay moy onabig?

7. Cataoan, inmuebat so agmacayari, angapo ed siac so too ya macalugan ed siac diad panamuesan nen apagalao so danum, ta lapud pueles con onla, linmugan so saguey acaona ed siac.

8. Cuan nen Jesus ed sicato: Laguey ca, alam so docolan, tan manacar ca.

9. Tan tampol inmabig iman a too, tan inala toy docolan to, tan onla la: tan Sabado iman a agueo.

10. Nen satan cuan day Judios ed saman a too ya atambal: Sabado ian agueo; ag mapued ed sica ya sacbaten moy docolan mo.

11. Inmuebat ed sicara : Say acatambal ed siac, sicon dili so anguibaga ed siac : Alam so docolan mo, tan manacar ca.

12. Tinepuet da ed sicon nen satan : ¿Opa casi anguibaga ed sica : Alam so docolan mo, tan manacar ca ?

13. Tan say toon atambal ag to anta no siopa casi ; ta lapud si Jesus inmalis ed saray catooan ya oalaradman.

14. Naani nalmo nen Jesus diad simbaan, tan cuan to ed sicon : Nia ta atambal ca ; ag ca mancasalan la muet, piano ag onsabi ed sica so buengatlan mamaogues.

15. Inmanla nen saman, tan inpacabat to ed saray Judios ta si Jesus so acatambal ed sicon.

16. Tan lapud saya saray Judios gugulaen day Jesus tan labay ran pasien, ta lapud agaoa to raya ed agueo na Sabado.

17. Tan inmuemat si Jesus ed sicara : Say Amac mangaoa angad natan, tan mangaoa ac muet.

18. Canianti labay ra nin pasien, ta lapud ag to labat naonor so agueo na Sabado, no ag inguen lapud ngaran toy Dios so Ama ton mipara ed sicon.

19. Nen satan inmuemat si Jesus tan cuan to ed sicara : Tua lan tua cuan co ed sicayo ta angapoy nayari ton gaoen nen Anac manlapud sicon dili ; no ag say nenengnenng toy

nagaoa na Ama; ta say gaoaen to, nagaoa muet nen Anac na ontan.

20. Ta say Ama aroen toy Anac, tan ipanengnenḡ to ed sicato so amin a gaoaen ton dili; tan ancabaleg nen saraya so ipanengnenḡ to ed sicato, piano niquelaoan cayo.

21. Ta onunḡ nen Ama paoli to ed bilay so saray inatey, tan pabilayen to ra, ontan muet nen Anac macapanbilay na saray labay to.

22. Ta say Ama angapoy ocomuen to, no ag inguen initer to ed Anac so amin a pacayari na manḡuiocom,

23. Piano nigalanḡ dan amin so Anac, a onunḡ na panḡuigalanḡ day Ama. Say ag manḡuigalanḡ na Anac, ag muet manḡuigalanḡ na Ama ya anḡuibaqui ed sicato.

24. Tua lan tua cuan co ed sicayo: Say macarenḡuel na salitac tan macapanisia ed anḡuibaqui ed siac, oala toy bilay ya andi angaan, tan ag nabalanḡ laoas, no ag inguen linmabas ed bilay a nanlapud patey.

25. Tua lan tua cuan co ed sicayo: Ta onsabi horas, tan natan la, banḡ no saray inatey macarenḡuel ira na salita nen Anac na Dios; tan saray macarenḡuel, mabilay ira.

26. Ta onunḡ nen Ama oala toy bilay ed incasicaton dili, ontan muet initer to ed Anac ya oala to comon so bilay diad sicaton dili.

27. Tan iter to muet ed sicato so pacayarin manġuiocom, ta lapud sicutoy Anac na too.

28. Ag qui niquelaoan ed saya; ta onsabi horas, banġ no saray amin oalad longonan, macarenġuel ira na voces to;

29. Tan saray manġaoa na catonunġan, ompaoay ira ed quioli bilay na bilay; tan saray manġaoa na maogues, diad quioli bilay na patey andi angaan.

30. Angapoy nayarian con gaoaen manlapud siac a dili; onunġ na narenġuel co, ontan so isip co, tan matonunġ so caisip co: lapud ag co anapuen so linaoac, no ag say linaoa nen anġuibaqui ed siac, *a salanti* say Ama.

31. No siac so macatasi ed siac a dili, alioan matua so panagtasi.

32. Sananey balet so macatasi ed siac, tan antac ta matua so panagtasin initer to nipaacar ed siac.

33. Sicayo anġuibaqui na Juan, tan tinasian toy catuaan.

34. Banġ balet ag co acoen so panagtasi na too: cuan co ian balet, piano nilaban cayo:

35. Sicutoy sileon aselselan tan onlioaoa: tay labay yo oari naliquetan na daiset ed lioaoa to.

36. Banġ oalad siac so balbaleg a panagtasi, nen say quien nen Juan; ta saray gaoa ya inaboloy nen Ama ya gaoaen co, *a salanti*,

saray dilin gaoa ya nasunǵpal co, sicaray macatasi ta inbaqui ac nen Ama.

37. Tan say anǵuibaqui ed siac, say Ama *lanti*, sicutoy acatasi ed siac. Tan ag yo arenǵuel laos so voces to, tan ag yo laos anenǵ-nenǵ so incapacanenǵnenǵ to ;

38. Tan andi muet ed sicayo so malaoas a salita to ; ta lapud ag qui manisia ed aba-quian to.

39. Manosisa qui na saray Sulat : ta isipuen yo ta diad sicara so caoalay bilay yo andi angaan, tan sicara so macatasi ed siac.

40. Tan ag yo labay so onla ed siac, piano oala yoy bilay andi angaan.

41. Ag co alaen so galanǵ a manlapud saray totoo.

42. Banǵ balet cabat ta cayo ; ya angapoy pananǵaroy Dios diad sicayo.

43. Linma ac dia ed nǵaran nen Amac, tan ag yo ac naaco ; no oalay onsabi ed nǵaran to, sicutoy naaco yo.

44. ¿Panon macapanisia cayo, no alaen yoy galenǵ saquey ed saquey, tan ag yo anapuen so galanǵ ya manlapud Dios a bocor ?

45. Ag yo isipuen ta siac so manǵocom ed sicayo diad arap nen Ama ; oalay manǵocom ed sicayo, si Moises *lanti* ya panilaloan yo.

46. Ta no sisiaen yo comon si Moises, sisiaen yo ac *muet* ; ta nisulat toy nipaacar ed siac.

47. Tan no ag yo sisiaen so saray surat to, ipanon sisiaen yo ray salitac?

Comanem a caoloan.

NEN ayari la raya, linma si Jesus ed bieci a saquey na dayag na Galilea, a sicatoy *dayag* na Tiberias.

2. Tan aquitomboc ed sicato so daquei a catooan, ta lapud anengneneng day saray tatanda to, ya agaoa to ed saray agmacayari.

3. Tan sinmueguep si Jesus ed saquey a palandey, tan nanyurung ditan a pati saray binangatan to.

4. Tan asinguer lay Pascua, *salanti* so fiesta day Judios.

5. Tan nen tinmandag si Jesus tan anengneneng toy quinaracay too ya linmara ed sicato; cuan to ed Felipe: iIner so panalioan ti comon so tinapay piano canen da raya?

6. Bang sayay cuan to, piano nisali to; lapud anta to so gaoan to comon.

7. Inmuebat si Felipe ed sicato: Duan lasus a denario na tinapay ag ira onsarag, piano naalay daiset na sinansaquey ra.

8. Cuan ed sicato na saquey ed saray binangatan to, si Andres *lanti*, ya agui nen Simon Pedro.

9. Oadia so saquey a ogao ya oala toy

limaran tinapay na cebada *cuan* tan duaran muelamuelag a sira; bang balet jantoya casi ed ontan a caraclan?

10. Nen satan *cuan* nen Jesus: Padocol yo ray totoo. Tan oalad man so daquel a dica: tan nandocol ira ya singa ra bilanã na liman libon catao.

11. Tan inala nen Jesus so saraman a tinapay, tan nen aquisalamat, initer to ed saray binangatan, tan saray binangatan ed saray nanacdol; ontan muet na saray sira so labay ra.

12. Tan nen napsel ira, *cuan* to ed saray binangatan: Alaen yo so aqueraan a pisagpisag, piano angapoy nabalanã.

13. Inala ra, sirin, tan apano ray labinduan babaco na pisagpisag day limaran tinapay na cebada, ya aqueraan day angan.

14. Saraman a totoo nen saman, nen aneng-neng day tandan agaoa nen Jesus, *cuan* da: Sayan tua so Profeta, ya onsabi comon ed mundo.

15. Tan nen atalosan nen Jesus ta onsabi iraman a too, tan alaen da piano nagaoa day ari, inmalis la muet ed palandey, a bocbo-cor to.

16. Tan lapud ngarem la, linmara ed dayag so saray binangatan to.

17. Tan nen linmugan ira ed saquey a sacayan, nansacay iran nanlapud bieci a saquey

na dayag anġad Capernaum. Tan ambilunġuet la, tan ag ni sinmabi si Jesus ed sicara.

18. Tan aburacay dayag lapud saquey a baguio ya sinmabi.

19. Tan nen nansacay ira na duanpolo tan lima na talonpolon estadios *cuan*, anenġnenġ day Jesus ya nanacaracar ed tapueo na danum tan sinminguer ed sacayan; tan antacot ira.

20. Banġ cuan to ed sicara: Siac *a tua*, ag qui antacot.

21. Nen satan inaco ra diad sacayan ed baleg a liquet da; tan insan inmabay so sacayan ed dalin a laen da.

22. Sanen agueon saquey, nen anenġnenġ dan catooan ya oalara ed bieci a saquey na dayag, ta sacsaquey so muelag a sacayan so oadman, tan ag aquilugan si Jesus ed saray binanġatan to diad sicato, no ag ta linmaran bocor da so saray binanġatan to,

23. Tan saray arum a anquelag a sacayan inmaabay iran nanlapud Tiberias ed calugaran a inpanġanan day tinapay, nen ayari to lan aquisalamat so Cataoan,

24. Nen anenġnenġ da sirin na saray catooan ta andi ladman si Jesus a pati saray binanġatan to, linmugan ira ed saray sacayan tan linmara ed Capernaum a mananap ira na Jesus.

25. Tan nen nalmo ra ed bieci a saquey na

dayag, cuanda ed sicato : Rabi ¿capigan casi sinmabi ca dia ?

26. Inmuebat si Jesus ed sicara tan cuan to : Tua lan tua cuan co ed sicayo ta anapuen yo ac, alioan ta lapud anenḡnenḡ yo ray tanda ; no ag lapud quinan yoy tinapay, tan apselan yo.

27. Manquimuy qui comon, alioan ta say canen ya naandi, no ag inḡuen ta say canen ya ag naandi laogas, ya iter ed sacayo na Anac na too : lapud sicutoy tinanday Ama, *a salanti* say Dios.

28. Tan cuan da ed sicato : ¿Antoy gaoaen mi, piano nasunḡpal mi so saray gaoa na Dios ?

29. Inmuebat si Jesus tan cuan to ed sicara : Saya so gaoa na Dios, ya manisia cayo ed inbaqui to.

30. Cuan da nen saman ed sicato : ¿Antoy tanda, sirin, gaoaen mo, piano nanenḡnenḡ mi, tan manisia cami ed sica ? ¿Dinan iran gaoa ?

31. Saray atenḡ tayo anḡan iray mana diad calaoacan, onunḡ na oalay nisulatan : Tinapay nanlapud taoen inpacan to ed sicara.

32. Tan cuan nen Jesus ed sicara : Tua lan tua cuan co ed sicayo, ta ag initer nen Moises ed sicayo so tinapay a nanlapud taoen : banḡ say Amac so manḡuiter ed sicayo na matuan tinapay a manlapud taoen.

33. Ta say tinapay na Dios so saman lanti ya linmuecsab a nanlapud taoen, tan man-
güiter na bilay ed mundo.

34. Tan cuan da ed sicato : Cataoan, itdan mo camin laoas so sayan tinapay.

35. Tan cuan nen Jesus ed sicara : Siac so tinapay na bilay ; say onla dia ed siac, ac nae-
rasan laoas ; tan say manisia ed siac, ag nai-
gum laoas.

36. Bang balet incuan co la ed sicayo ta, angano anengnenẽ yo ac, ag yo *ac* sisiaen.

37. Say amin *too* ya initer nen Amac ed siac onla dia ed siac ; tan say onla dia ed siac, ag co paalis ed paoay.

38. Ta linmuecsab ac a nanlapud taoen, alioan piano gaoen coy linaoac, no ag say linaoa na angüibaqui ed siac.

39. Tan saya so linaoa na angüibaqui ed siac, *a salanti* nen Ama : ta ag co nabalang so saquey ed saray initer to ed siac, no ag inguen ta paolian co rad bilay diad caonoran a agueo.

40. Saya so linaoa na angüibaqui ed siac : Ta say amin *too* ya macanengnenẽ na Anac, tan macapanisia ed sicato, oala toy bilay ya andi angaan, tan paolian co ed bilay ed caonoran a agueo.

41. Aquitunẽtunẽ ira nen saman so saray Judios a onsunẽpa ed sicato, lapud say cuan to : Siac so tinapay ya nanlapud taoen.

42. Tan cuan da: ¡Ag casi ia si Jesus, so anac nen Jose, ya anta mi so ama tan ina to? ¡Panon, sirin, cuan tonia: Diad taoen so panlapuan co?

43. Tan inmuebat si Jesus tan cuan to ed sicara: Ag qui nantutunġtunġ ed loob yo.

44. Ag nayari na buenġatlan onla dia ed siac, no ag paiacar nen Ama ya anġuibaqui ed siac: tan paoli cod bilay diad caonoran a agueo.

45. Oalay nisulatan ed saray profeta: Tan nabanġatan iran amin na Cataoan; canianti onla dia ed siac so amin too ya acarenġuel na *salita* nen Ama tan inaral to.

46. Andi ta oalay acanengnenġ na Ama; no ag say nanlapud Ama; sicutoy acanengnenġ na Ama.

47. Tua lan tua cuan co ed sicayo: Say manisia ed siac oala toy bilay ya andi angaan.

48. Siac so tinapay na bilay.

49. Saray ateng yo anġan iray mana diad calaoacan, tan inatey ira.

50. Saya so tinapay a manlapud taoen, piano ag onpatey so macapanġan ed sicato.

51. Siac so mabilay a tinapay ya nanlapud taoen: no oalay manġan na sayan tinapay, onbilay laoas: tan say tinapay ya iter co so laman co *lanti*, ya iter co ed bilay na mundo.

52. Saray Judios nen satan nansicolcol

iran nancuan : ¿Panon casi nayarian tonia so ipacan ed sicutayo so laman to ?

53. Tan cuan nen Jesus ed sicara : Tua lan tua cuan co ed sicayo, ta no ag yo canen common so laman nen Anac na too, tan inumuen yoy dala to, angapoy bilay diad sicayo.

54. Say macapanġan na laman co, tan macapaninum na dalac, oala toy bilay andi angaan : tan paolian cod bilay diad caonoran a agueo.

55. Ta matuan canen so laman co, tan matuan inum so dalac.

56. Say macapanġan na laman co, tan macapaninum na dalac, manayam ed siac tan siac diad sicato.

57. Onunġ na inbaqui ac nen Aman mabilay, tan onbilay ac lapud Ama ; ontan muet say macapanġan ed siac, onbilay muet lapud siac.

58. Saya so tinapay ya manlapud taoen ; alioan onunġ na saray atengġ yo anġan ira na mana, tan inatey ira : say macapanġan na sayan tinapay, onbilay laoas.

59. Saraya inbaga to ed sinagoga, nen nanbangat diad Capernaum.

60. Tan daquel ed saray binanġatan to, nen arenguel da, nancuan ira : Mairap so sayan salita : ¿opa casi macarenġuel ?

61. Tan lapud cabat nen Jesus ed loob ton dili, ta saray binanġatan to aquitungtung

iray onsunġpa ed saya, cuan to ed sicara: ¡Saya so macapanescandalo ed sicayo?

62. ¡Anto sirin, no nanengñeng yo comon so Anac na too ya ontocotoc ed caoalaan to nen inmona?

63. Say espiritu so macapanbilay; say laman angapoy cacanaan to: saray salita ya sinalitac ed sicayo, sicaray espiritu tan bilay.

64. Banġ balet oalaray arum ed sicayo, ya ag ira manisia: Ta lapud anta nen Jesus anġad inmona so siopa ra ya ag manisia: tan say macapanentrega ed sicato.

65. Tan cuan to: Campuega incuan co ed sicayo, ta angapoy nayaran onla dia ed siac, no ag inaboloy nen Ama *ed sicato*.

66. Nanlapud saman daquel ed saray binanġatan to, sinmoner ira, tan ag ira la milmila ed sicato.

67. Cuan nen saman nen Jesus ed saray labindua: ¡Labayo so onla muet?

68. Tan inmuebat ed sicato si Simon Pedro: Cataoan, ?opay laen mi? Sica so macansalita na bilay ya andi angaan.

69. Tan manisia cami tan cabat mi ta sica si Cristo, Anac lanti na Dios a mabilay.

70. Inmuebat si Jesus ed sicara: ¡Ag ta cayo pinili a labindua, tan saquey ed sicayo so diablo?

71. Tan nansalitay nipaacar ed Judas Iscariote, anac nen Simon; ta lapud saya so

macapanentrega ed sicato, a sicato so saquey oari ed saray labindua.

Comapiton caoloan.

TAN nen ayari la raya, nanacaracar si Jesus diad Galilea: ta lapud ag to labay onacar ed Judea, ta labay ray Judios mamatey ed sicato.

2. Tan asinguer lay piesta day Judios, *salanti so piesta day camaliran a tabernaculo cuan*;

3. Tan cuan day agagui to: Onlabas ca ditan, tan laca ed Judea, piano saray binanġatan mo nanenġnenġ da muet so saray gaoaen moy gaoa.

4. Ta lapud angapoy malabay onlioaoa, ya nanġaoa na buenġatlan ed caamotan: no gaoaen mo raya, onpanenġnenġ ca ed mundo.

5. Ta saray agagui to ag ira manisia ed sicato.

6. Nen satan cuan nen Jesus ed sicara: Ag ni sinmabi so agueo co: banġ say agueo yo maganon laoas.

7. Ag qui nayarian nagolaan na mundo; banġ balet gulaen to ac, lapud patuaen co ta maogues iray gaoa to.

8. Onla qui *natan* ed sayan piesta; siac ag ni onla ed sayan piesta; ta ag ni asunġpal so agueo co.

9. Tan nen inbaga toya ed sicara, atilac ni ed Galilea.

10. Banġ balet nen linmara so saray agaguito, insan linma muet ed piesta, alioan diad mapatnag, no ag sinġa diad maamot.

11. Tan anapuen day Judios diad piesta, tan cuan da: ; Iner so caoalaan tonman *a too*?

12. Tan daquel so tungtung day totoo ed sicato; ta cuan day arum: Matunung a too. Tan cuan day arum: Andi, no ag inguen nasaol to ray totoo.

13. Angapon balet so acasalita na nipaacar ed sicato diad mapatnag, lapud tacot day Judios.

14. Tan diad puegley na piesta linma si Jesus ed simbaan, tan nanbanġat *ditan*.

15. Tan aquelaoan iray Judios, a nancuan iro: ; Panon casi anta toniay sulatsulat, banġ nen ag to ra inaral?

16. Tan inmuebat si Jesus ed sicara tan cuan to: Say banġat co alioan quien co, no ag quien na anġuibaqui ed siac.

17. Say malabay onoren so linaoa to, cabat to no manlapud Dios so banġat co, o no manlapud siac a dili so salitaen co.

18. Say macasalitan manlapud sication dili, anapuen toy galanġ ton dili; banġ say mananap na galanġ na anġuibaqui ed sicato, matuan a too lanti, tan angapoy saol ed sicato.

19. ¿ Ag casi initer nen Moises ed sicayo so gangan, tan angapo ed sicayo so macaonor na gangan ? ¿ Aquin casi anapuen yoy pamatey ed siac ?

20. Inmuebat iray catooan, tan cuan da : Oalay demonio ed sica : ¿ Opay mananap na pamatey ed sica ?

21. Inmuebat si Jesus tan cuan to ed sicara : Asunǵpal coy saquey a gaoa, tan ni-quelaoan quin amin.

22. Tua ta si Moises so anǵuiter ed sicayo na pangalip (alioan ta quien nen Moises, no ag quien day atatenǵ), tan *siansia* pagalip yoy too diad agueo na sabado.

23. No acoen na too so pangalip ed agueo na sabado, tan ag nasunǵpa so agueo na sabado ¿ aquin manpasnoc qui ed siac ta pinabig coy too ed agueo na sabado ?

24. Ag yo isipuen so onunǵ na pacaneng-neng na too, no ag isipuen yoy matonunǵ a caisip.

25. Cuan da nen satan na saray arum too ed Jerusalem : ¿ Ag casi ian anapuen dan patien ?

26. Tan nia, mansalita ed mapatnag, tan angapoy cuan da ed sicato. ¿ No atalosán da lagui na saray macaoley, ta sicato si Cristo ?

27. Bang saya, anta mi so panlapuan to ; tan no onsabi si Cristo, angapoy micabat na panlapuan to.

28. Nen satan naningal si Jesus diad simbaan nanbanġat tan nancuan: Cabat yo ac, tan anta yo so panlapuan co; tan *siansia* ag ac linma dian nanlapud siac; banġ matua so anġuibaqui ed siac, tan ag yo nacabatan.

29. Cabat co inġuen, ta diad sicato so panlapuan co, tan sicato so anġuibaqui ed siac.

30. Labay ra comon nen saman so manerel ed sicato, banġ balet angapoy acarioit na lima to, ta lapud ad ni sinmabi so horas to.

31. Tan daquel a too na baley acapanisia ira ed sicato, tan cuan da: ; No onsabi si Cristo gaoaen to ni daquel a tanda nen saray nagaoa tonia?

32. Tan arenġuel day Fariseos so saray totoo, ya nantutunġtunġ ira na sarayan ni-paacar ed sicato, tan saray manonan sacerdot-tes tan Fariseos inbaqui ray alguaciles piano erelen da comon.

33. Tan cuan nen Jesus ed sicara: Oadia ac ni diad sicayo ed daiset a agueo, tan insan onla ac ed anġuibaqui ed siac.

34. Anapuen yo ac, tan ag yo ac nalmo; tan ag yo nayarian onla ed caoalaan co.

35. Cuan day Judios nen satan ed loob da: ; Iner so lalaen tonia ya ag mi nalmo? ; Laen to lagui so saray abuybuyag diad saray bugcalot tan manbanġat na saray bugcalot?

36. ; Antoyay salitan inbaga to: Anapuen

yo ac tan ag yo ac nalmo : tan diad caoalaan co ag yo nayarian laen ?

37. Bang diad caonoran baleg a agueo na panpiesta, inmaalaguey si Jesus, tan managuis a nancuan : No oalay maigum diad sica-yo, onla dia ed siac, tan inumuen to.

38. Diad egues na toon manisia ed siac onbutay iray ilog na danum a mabilay, onung na cuay Sulat.

39. (Tan saya so cuan to nipaacar ed Espiritu, ya naaco ra comon na saray manisia ed sicato ; ta ag ni sinmabi so Espiritu Santo, lapud ag ni apaglorian si Jesus.)

40. Nen satan saray arum a too na caraclan, nen arenġuel daya, cuan da : Sayan tua so profeta.

41. Saray arum cuan da : Saya so Cristo. Saray arum balet cuan da : ¿ Diad Galilea so panlapuay Cristo ?

42. ¿ Ag casi cuay Sulat ta diad capoli nen David, tan diad baley na Betlehem, a sicatoy quianacay David, so panlapuay Cristo ?

43. Ontan sirin oalay colcol ed saray catoonan a nipaacar ed sicato.

44. Tan saray arum labay day erelen, bang angapoy acarioit na lima to.

45. Tan pinmaoil iray alguacil ed saray manonan sacerdotes tan diad saray Fariseos, tan cuan da raya ed sicara : ¿ Aquin ag yo inacar dia ?

46. Inmuebat iray alguacil : Angapon laos so toon acasalita na singa mansalita ian too.

47. Nen satan inmuebat iray Fariseos ed sicara : ¿ Asaol qui la muet ?

48. ¿ Oala casi acapanisia ed sicato ed saray manoley o diad saray Fariseo ?

49. Bang maayeo irayan totoo ya ag da cabat so gangan.

50. Cuan ed sicara nen Nicodemo (saman ya linma ed sicato diad labi, ta sicutoy saquey ed sicara,)

51. ¿ Naocom casi na gangan tayo so too, no ag to ni narenguelan, tan nacabatan so incagaoa to ?

52. Inmuebat iran nancuan ed sicato : ¿ Too ca muet na Galilea ? Manosisa ca tan naneng-neng mo, ta angapoy inmalaguey a profeta diad Galilea.

53. Tan inman la ra sinansaquey ed abung to.

Comaalon caoloan.

TAN linma si Jesus diad palandey day Olivas.

2. Tan sanen cabuasan pinmaoil ed simbaan, tan linma ra ed sicato so amin a catooan ; tan nanyurung, inbangat to ra.

3. Nen satan saray Escribas tan Fariseos inacar da ed sicato so saquey a biin asabian a

nancacasalanan ed ag to asaoa ; tan nen inian da ed puegley,

4. Cuan da ed sicato : Managbangat, sayan bii asabian pueles to nancacasalanan ed ag to asaoa ;

5. Tan ingangan cami nen Moises diad gangan, ta napabatoan iraya : ¡Antoy cuan mo, sirin ?

6. Tan saya so cuan dan nantotocso ed sicato, piano oalay balaoen da ed sicato. Bang si Jesus, atunõ ed lecsab, nansusulat diad dalin ed tamoro to.

7. Tan nen nantepuetepuet ira ni ed sicato, inmalaguey, tan cuan to ed sicara : Say angapoy casalanan diad sicayo, macaonan manbantac na bato ed sicato.

8. Tan nen tinmunõ la muet ed lecsab, mansusulat ed dalin.

9. Nen arenguel da ya sirin, apabaingán ira ed loob da, pinmaoay ira saquey tan saquey, nanlapud saray mamasiquen anãad saray caonor : tan atilac si Jesus a bocor, tan say bii ya oalad puegley.

10. Tan nen inmalaguey si Jesus tan angapoy anengñenẽ tod man no ag bocor na bii aman, cuan to ed sicato : Bii, ¡iner so caolaan day mangacusa ed sica ? ¡Angapoy angondena ed sica ?

11. Tan cuan to : Cataoan, angapo. Cuan nen satan nen Jesus ed sicato. Ag ta ca muet

nacondena: laca tan ag ca mancasalanan la muet.

12. Tan nansalita la muet ed sicara si Jesus, a nancuan: Siac so sileo na mundo: say ontomboc ed siac, ag manacar diad cabilungtan, no ag inguen oala toy sileo na bilay.

13. Cuan da nen satan na saray Fariseo ed sicato: Sicay manpatasi ed sican dili; *canianti* alioan tua so panagtasim.

14. Inmuebat si Jesus, tan cuan to ed sicara: Angano siac so mamatasi ed siac a dili, matuan *siansia* so panagtasic; ta antac so inpanlapuan co.

15. Sicayoy mangocom na onung na laman; siac balet angapoy ocomuen coy too.

16. Bang balet no ocomuen co, matua so pangocom co; ta andi ac a bocor; no ag inguen siac tan say anguibaqui ed siac, *a salanti*, say Ama.

17. Tan nisulatan ed gangan yo: Ta matua so tasion day duaran catao.

18. Siac so mamatasi ed siac a dili; tan tasion to ac muet na anguibaqui ed siac, *a salanti*, say Ama.

19. Tan cuan da ed sicato: ; Iner so caoalay Amam? Inmuebat si Jesus; ag yo ac cabat, ag yo muet *cabat* so Amac: No cabat yo ac comon, cabat yo muet so Amac.

20. Sarayan salitay inbaga nen Jesus ed calugaran day lilimos, nen nanbangat diad

simbaan, tan angapoy acaerel ed sicato, lapud ag ni sinmabi horas to.

21. Tan cuan nen Jesus la muet ed sicara: Onla ac, tan anapuen yo ac, tan ompatey qui ed sasalanan yo; diad laen co, ag yo nayarian mila.

22. Cuan da nen satan na saray Judios: ¡Patien ton dili, ta cuanto: Diad laen co, ag yo nayarian laen?

23. Tan cuan to ed sicara: Sicayoy manlapud lecsab, siac balet manlapud taguey: sicayoy *quien* na mundo nia, andi ac na mundo nia.

24. Canianti incuan co ed sicayo, ta ompatey qui ed saray casalanan yo; ta no ag qui manisia ta siac *iman*, onpatey qui ed saray casalanan yo.

25. Tan cuan da ed sicato: ¡Opa ca *lanti*? Tan cuan nen Jesus ed sicara. Say inbagac muet ed sicayo nen inmona.

26. Daquel so oalay ibagac tan balaoen ed sicayo; bang matua so angabaqui ed siac, tan say arenꝑuelan co ed sicato, saya so salitaen co diad mundo.

27. Bang ag da atalosan, ta salitaen to ed sicara so nipaacar ed Ama.

28. Cuan, sirin, nen Jesus ed sicara: Bang no ipalaguey yoy Anac na too, natalosan yo no saman ta siac iman, tan angapoy gaoaen co lapud siac a dili: bang balet gaoaen co so onung na inbangat ac nen Ama.

29. Ta oala ed siac so anġuibaqui ed siac : ag to ac tinainan a bocor co nen Ama ; ta siac gaoaen con laoas so calictan to.

30. Banġ nen inbaga to raya, daquel ira so acapanisia ed sicato.

31. Tan cuan nen Jesus ed saray Judios ya acapanisia ed sicato : No mansiasian cayo ed salitac, matuan cayon binanġatan co ;

32. Tan cabat yoy catuaan, tan say catuaan so manġuibolos ed sicayo.

33. Tan inmuebat ira ed sicato : Poli cami nen Abraham, tan angapoy inparsibian mi laoas : ġ Panoy cuan mo : Nabolos cayo ?

34. Inmuebat si Jesus ed sicara : Tua so cuan co ed sicayo, ta amin tooy aca-gaoay casalanan, sicutoy aripuen na casa-lanan.

35. Tan say aripuen ag manayam laoas diad abunġ, banġ balet say Anac manayam laoas.

36. Ontan sirin, no say Anac so manġuibolos ed sicayo, nabolos cayon tua.

37. Antac ta poli cayo nen Abraham : banġ anapuen yo ac patien, ta ag macaloob so salitac diad sicayo.

38. Siac mansalita ac na anenġnenġ co ed Ama ; tan sicayo mansalita cayo na anenġnenġ yo ed ama yo.

39. Inmuebat ira tan cuan da ed sicato : Si Abraham so ama mi. Cuan nen Jesus ed

sicara: No anac cayo comon nen Abraham, nagaoa yoy gaoa nen Abraham.

40. Bang balet anapuen yo ac patien natan, too ac ya acasalita ed sicayo na catuaan ya arenġuelan co ed Ama: ag agaoa ia nen Abraham.

41. Sicayo gaoaen yo ray gaoa na ama yo. Cuan da ed sicato nen saman: Ag cami nianac ed calaoanan. Oalay saquey ama ed sicami, *a salanti*, Dios.

42. Cuan nen Jesus nen saman ed sicara: No si Dios so ama yo comon, aroen yo ac a tua, ta diad Dios so inpanġapoan co tan inpanlapuan co, lapud ag ac nanlapud siac a dili, no ag inġuen sicato so anġuibaqui ed siac.

43. *¿*Aquin ag yo nabirbir so casalitac? Ta lanti ag qui macarenġuel na salita.

44. Sicayo piama yoy diablo, tan say linaoa na ama yo labay yo sunġpalen. Sicon matey anġad inmona: tan ag nansiansian ed catuaan, lapud angapoy tua ed sicato. No salitaen toy tila, diad sicon dili mansalita, ta sicon matila tan ama na catilaan.

45. Tan ag yo ac sisiaen, lapud mansalita ac na tua:

46. *¿*Opa casi ed sicayo so manbalao ed siac na casalanan? No sirin cuan coy tua, *¿*quin ag yo ac sisiaen?

47. Say piama toy Dios, narenġuel toy salitay

Dios; campuega ag yo ra naren̄guel, ta ag yo quien na Dios.

48. Nen saman inmuebat iray Judios tan cuanda ed sicato: ¡Ag casi maong̃ so cuan mi, ta Samaritano ca, tan aselepan cay demonio?

49. Inmuebat si Jesus: Ag ac naselepay demonio; no ag inguen igalang̃ coy Amac, tan sicayo apabaing̃an yo ac.

50. Tan ag co anapuen so galang̃ co; oalay mananap tan mang̃ocom.

51. Tua lan tua cuan co ed sicayo, ta say mang̃onor na salitac, ag to nisali so ipatey laos.

52. Cuan day Judios nen satan ed sicato: Natan nataloson mi ta naselepan cay demonio. Inatey si Abraham, tan saray profetas, tan cuan mo: Say macaonor na salitac, ag to nisali so ipatey laos.

53. ¡Balbaleg ca nen si Abraham, ya inatey? Tan inatey ira muet so saray profetas; ¡Opa ca sirin ed isip mo?

54. Inmuebat si Jesus: No paigalang̃ con dili, andi cacanaan so galang̃ co: say Amac so mang̃uigalang̃ ed siac; sa, lanti, so cuan yo ta sicutoy Dios yo:

55. Tan ag yo cabat; bang̃ balet cabat co; tan no cuan co lagui ta ag co cabat, matila ac sing̃a sicayo; bang̃ cabat co balet, tan onor coy salita to.

56. Say ama yoy Abraham quinalictan toy nenġnenġuen so agueo co; tan anenġnenġ to, tan linmiquet.

57. Cuan day Judios nen saman ed sicato: Angapo ni so liman polon taon mo, i tan anenġnenġ moy Abraham?

58. Cuan nen Jesus ed sicara: Tua lan tua cuan co ed sicayo, tan oala ac la nen ag ni nianac si Abraham.

59. Inala ra nen satan so saray bato piano nibantac da ed sicato: banġ balet inmamot si Jesus, tan pinmaoay ed simbaan, tan inmanlan linmalabas ed puegley ra.

Comasiam a caoloan.

TAN nen linmabas si Jesus, anenġnenġ toy saquey a toon bulag anġad inquianac to.

2. Tan tinepuet day binanġatan to ed sicato, nancuan ira: Rabi, i opay nancasalan, saya no saray atenġ to, piano nianac a bulag?

3. Inmuebat si Jesus: Ag ia nancasalan, tan ag muet so saray atenġ to; banġ balet piano napatua ed sicato so saray gaoa na Dios.

4. Oncana ed siac so macagaoa na gaoa na anġuibaqui ed siac, pteles oala ni agueo: onsabi so labi, no angapo so macagaoa.

5. Legan con oadia ed mundo, sileo ac na mundo.

6. Nen inbaga to nia, nilucda to ed dalin, tan agaoa toy lusac na lucda, tan pinoyocan to na lusac so saray mata na bulag;

7. Tan cuan to ed sicato: Laca, tan manamues ca diad panamuesan na Siloe, ya say cabalicsan to, no ipatalos mo, Abaquian: tan linma, sirin, tan nanamues, tan pinmaoil a macanenġnenġ.

8. Nen satan saray caabay to, tan saray acanenġnenġ ed sicato nen inmona ta bulag, cuan da: ¿Alioan casi ia ya nanyuryurung a milimos?

9. Cuan day arum: Sicato *lanti*; tan saray arum: Mipara ed sicato. Tan cuan to: siac iman.

10. Tan cuan da ed sicato: ¿Panon casi alucasan so saray matam?

11. Inmuebat so *bulag oari*, tan cuan to: Saman a too ya nanġaray Jesus, agaoa toy lusac, tan pinoyocan to ray matac tan cuan to ed siac: Laca ed Siloe, tan manamues ca: linma ac sirin, tan nanamues ac tan inacoc so pacanenġnenġ.

12. Cuan da nen saman ed sicato: ¿Iner so caoalaan to? Cuan to: Ag co anta.

13. Inacar da ed saray Fariseos so bulag oari.

14. Tan agueo iman na sabado, nen agaoa

nen Jesus so lusac, tan alucasan to ray mata to.

15. Tan tinepuet da muet na saray Fari-seos so caonungay inpanḡaco toy pacanengñ-nengñ. Tan cuan to ed sicara: Inian toy lusac et tapueo day matac, tan nanamues ac, tan macanengñnengñ ac.

16. Nen satan cuan day arum na saray Fari-seos: Ag quien na Dios ian to, ta ag to onoren so sabado. Saray arum cuan da: ¿Panon naryarian na toon managcasalanan so mangaoa irayan tanda? Tan nansicolcol ira.

17. Cuan da la muet ed bulag: ¿Antoy cuan moy nipaacar ed too ya amadilat na saray matam? Tan cuan to: Ta sicutoy profeta.

18. Saray Judio balet ag da anisia ta bulag iman too, tan inaco toy pacanengñnengñ angad inpanaoag day atengñ na angaco na pacanengñnengñ.

19. Tan tinepuet da ed sicara, nancuan: ¿Saya so anac yo, ya cuan yon nianac a bulag? ¿Panon casi macanengñnengñ natan?

20. Inmuebat iray atengñ to ed sicara, tan cuan da: Anta min *tua* ta saya so anac mi, tan say nianac a bulag;

21. Bang ag mi anta balet so panon macanengñnengñ natan: macantaon la; tepueten yo ed sicato, tan sication dilin mansalita comon.

22. Saya so cuan day ateng to, lapud antacot day Judio; ta lapud nigangan da lay Judio; ta say buengatlan manpatua ta sicutoy Mesias, napaalis ed sinagoga.

23. Campuega cuan day ateng to: Macantaon la; tepueten yo ed sicato.

24. Canianti ataoag da la muet so too ya bulag oari, tan cuan da ed sicato: Igalang moy Dios: anta mi ta managcasalanan itan a too.

25. Inmuebat nen satan: Ag co anta, no managcasalanan ian too; saquey so antac, ta angano mabulag ac oari, macanengnen ac natan.

26. Tan cuan da la muet ed sicato: i Antoy agaoa tod sica? i Panon in pandilat to ray matam?

27. Inmuebat ed sicara: Cuan co la ed sica-yo, tan ag yo tinandaan; i aquin casi labay yon narenguel la muet? i Labay yo muet nagaoa cayoy binangatan to?

28. Tan pinabaingan da, tan cuan da ed sicato: Sica so binangatan to: ta sicami binangatan cami nen Moises.

29. Anta mi ta aquisalitay Dios ed Moises: saya balet ag mi antay panlapuan to.

30. Inmuebat iman a too tan cuan to ed sicara: Macapaquelao a tua ia, ta ag yo antay panlapuan to, tan siansia in pandilat to ed siac so saray matac.

31. Tan cabat tayo ta say Dios ag to narenğuel so saray managcasalanan: banğ no oalay maitatacot ed Dios, tan macaonor na linaoa to, sicato y narenğuel to.

32. Ag arenğuelan anğad quipalsay mundo, ta oalay amadilat na matamata na saquey ya nianac a bulag.

33. No ag ian nanlapud Dios, angapoy nayaran ton gaoen.

34. Inmuebat iran nancuan ed sicato: Diad saray casalanan so inquianac mon amin; i tan banğatan mo cami? Tan pinalis dad paoay.

35. Arenğuelan nen Jesus, ta pinalis dad paoay; tan nen nalmo to, cuanto ed sicato: i Manisia ca ed Anac na Dios?

36. Inmuebat iman a too, tan cuan to: i Opa casi itan, Cataoan, piano manisia ac ed sicato?

37. Tan cuan nen Jesus ed sicato: Tan anenğnenğ mo, tan say misalsalita ed sica, sicato *lanti*.

38. Tan cuan to: Manisia ac, Cataoan. Tan ingalang to.

39. Tan cuan nen Jesus: Siac, linma ac dia lapud *matonunğ* panğuiocom; piano saray ag mannenğnenğ macanenğnenğ ira; tan saray mannenğnenğ nabulagan ira.

40. Tan arenğuel da ia na saray arum a Fariseos ya oalara ed sicato, tan cuan da ed sicato: i Bulag cami muet lagui?

41. Cuan nen Jesus ed sicara : No bulag qui comon, angapoy casalanan yo ; natan balet, lapud cuan yo : Macanengneng cami : canian onsiansian so casalanan yo.

Comapolon a caoloan.

TUA lan tua cuan co ed sicayo, ta say ag onloob diad caput ed caalaran day obeja, no ag inguen onsapat ed alar, sicutoy tulisan tan mataqueo.

2. Bang balet say macaloob ed caput, sicutoy pastol day obejas.

3. Saya nalucasan na managcaput, tan macarenghuel iray obejas na voces to ; tan taoaguen to ray obejas ed ngaran da, tan ipaoay to ra.

4. Tan nen inpaoay to ran amin a quien to, macaona ed sicara ; tan tomboquen day obeja, lapud cabat da so voces to.

5. Bang balet ag da tomboquen so sancayli, no ag inguen batican da ; lapud ag da cabat so voces day sancayli.

6. Sayan caalimbaoa inbaga nen Jesus ed sicara ; sicara balet ag da atalosan so inbaga to ed sicara.

7. Pinirua nen Jesus a nancuan ed sicara : Tua lan tua cuan co ed sicayo, ta siac so caput day obejas.

8. Saray amin ya acaona ed siac, tulisan ira tan mataqueo; bang ag da ra arenguelan na saray obejas.

9. Siac so caput; say macaloob ed panamuegley co, nilaban; tan onloob, tan ompaoay tan nalmo toy panagoran.

10. Say tulisan ag onsabi no ag piano taqueoen to, tan pasien, tan siraen to ray obejas; siac linma ac dia piano macapanbilay ira, tan maganagana ira.

11. Siac so marununġ a pastol; say marununġ a pastol iter toy bilay to lapud caabigan day obejas to.

12. Bang say miopa, tan say alioan pastol, ya macanobejas, no nanengnenġ toy monanacap a lobos *cuan* ya onsabi, tainan to ray obejas tan ombatic: tan say monanacap labnutinan to, tan paibuyac to ray obejas.

13. Canian onbatic so miopa, ta lapud miopa lanti, tan ag to pagaan so saray obejas.

14. Siac so marununġ a pastol; tan cabat co ray obejas co; tan saray quien co cabat da ac.

15. Onunġ nen Ama cabat to ac, tan cabat coy Ama: tan iter coy bilay co lapud caabigan day obejas.

16. Oala ra nin arum a obejas co, ya andi ni ra ed sayan caalaran; sicara muet oncanan payacar co ra; tan narenġuel day voces co;

tan oala comon so sacsaquey a catiponan da, tan sacsaquey a pastel.

17. Canian aroen to ac nen Ama, ta iter coy bilay, piano alaen co la muet.

18. Angapoy mamaecal ed siac, no ag inġuen iter co ed mabolos a linaoa: lapud nayarian con iter, tan nayarian con alaen la muet: Sayan gangan inacoc a nanlapud Amac.

19. Tan nansicolcol ira la muet so saray Judio lapud sayan salita.

20. Tan cuan day daquel ed sicara; aselepay demonio, tan andi calacal to; ¿aquin narenguel yo?

21. Cuan day arum *balet*; sarayan salita ag ira quien na toon aselepay demonio: ¿nayari casi na demonio mamadilap na matamata day bulag?

22. Tan agaoa so piesta na Panagtanir diad Jerusalem, tan panaguran nen saman.

23. Ta nanacar si Jesus diad simbaan ed silunġan nen Salomon.

24. Tan nanlibuer iray Judios ed sicato, tan cuan da ed sicato: ¿Anġad capigan gaoaen mo camin manduarua? no sica so Cristo, ibagam ed sicami diad mapatnag.

25. Inmuebat si Jesus ed sicara: Inbagac muet ed sicayo, tan ag qui manisia: saray gaoa ya gaoaen co ed nġaran nen Amac, sicara so mantasi ed siac.

26. Bang balet ag qui manisia, lapud andi cayoy obejas co, onung na inbagac la ed sicayo.

27. Saray obejas co macarenġuel ira na boces co: tan cabat co ra, tan mantomboc ira ed siac:

28. Tan itdan co ray bilay andi angaan, tan ag ira nabalang laos; tan angapoy mamaecal ed sicara diad saray lilima.

29. Say Ama ya anġuiter ira ed siac, balbaleg nen saray amin; tan angapoy macaecal ira ed lima nen Amac.

30. Sacsaquey cami quien di Ama tan siac.

31. Nen satan inala ra muet na saray Judio so batobato, piano pabatoan da.

32. Inmuebat si Jesus ed sicara: Daquel a maong a gaoa inpanengnenġ cod sicayo nanlapud Amac, ġdinan casi ed sicara so panbatoan yo ac?

33. Inmuebat iray Judios ed sicato, nancuan ira: Ag mi ca pabatoan lapud maong a gaoa, no ag lapud mabanday a salita; tan lapud gaoaen ta cay Dios, bang nen too ca.

34. Inmuebat si Jesus ed sicara: ġAg casi nisulat ed gangan yo: Nancuan ac; Dios cayo?

35. No ingaran toy dios so saray asabiay salita nanlapud Dios, tan ag nalabsanan so Sulat:

36. *¡Aquin* cuan yo ed siac a pinasantos nen Ama, tan inbaqui to ed mundo: Mansalita cay mabanday; lapud cuan co: Anac ac na Dios?

37. No ag co gaoaen so gagaoa nen Amac, ag qui manisia ed siac.

38. Bang no gaoaen co ra balet, angano ag yo ac sisiaen, sisiaen yo ray gaoa, piano naca-batan yo tan naisia yo, ta say Ama oala ed siac, tan siac ed Ama.

39. Tan labay ra la muet erelen; bang balet pinmaoay ed saray lilima ra.

40. Tan pinmaoil ed bieci a saquey na Jordan, diad saman a calugaran a caoalaan nen Juan nanbibiniag nen inmona, tan nanayam ditan.

41. Tan daquel iray acarago ed sicato, tan cuan da: Si Juan á tua angapoy agaoa toy tanda; bang balet matua so amin a inbaga nen Juan nipaacar ed saya.

42. Tan daquel ira so acapanisia ed sicato diman.

Comalabinsaquey a caoloan.

OALA nen saman asaquitan so saquey a toon nanġaray Lazaro, na Betania, say baley nen Maria tan Marta ya agui ton bii.

2. (Tan si Maria, ya asaquitan so agui to,

sicato man bii ya anġuipuyuc na Cataoan na unguento, tan apunas to ray sali to ed saray bueg to.)

3. Inbaqui ra sirin ed sicato na saray agaguin bii *nen Lazaro*, nancuan ira: Cataoan, nia, ta asaquitán so aroen mo.

4. Tan nen arenġuelan nen Jesus, cuan to: Sayan saquit ag sinmabi piano onpatey *so too*, no ag inġuen lapud galanġ na Dios, piano nagalanġ comon so Anac na Dios ed panamuegley to.

5. Tan inaro nen Jesus si Marta, tan say agui ton bii, tan si Lazaro.

6. Nen arenġuel to, sirin, ya asaquitán, a tilac nin duaran agueo ed saman a calugaran a caoalaan to.

7. Insan, nen ayari atan, cuan to ed saray binanġatan to: Onla iti ed Judea la muet.

8. Cuanday binanġatan ed sicato: Rabi, ag ni abayac nen labay ra can pabatoan na saray Judios; et onla ca muet diman?

9. Inmuebat si Jesus: ¿Ag casi labinduan horas na agueo? Say manacaracar no agueo, ag ontaguid, lapud nanenġnenġ toy lioaoa na sayan mundo.

10. Banġ say manacaracar no labi, ontaguid, ta lapud angapoy lioaoa ed sicato.

11. Nen inbaga to nia, insan cuan to ed sicara: Naoguip so casalo tayo a si Lazaro; banġ onla ac a paaliing co ed caoguip to.

12. Cuan da nen saman na saray binanġatan to: Cataoan, no naoguip, naabig la.

13. Baṅ *sayay* cuan nen Jesus nipaacar ed patey to; sicara balet isip da ta salitaen to ed painaoa na oguip.

14. Nen satan cuan nen Jesus ed sicara diad mapatnag: Inatey la si Lazaro.

15. Tan naliquetan ac lapud sicayo, ta andi ac ditan oari, piano manisia cayo. Onla iti balet ed sicato.

16. Cuan nen satan si Tomas, ya niṅaray Didimo, ed saray cabinanġatan to: Onla iti muet, piano mipatey iti muet ed sicato.

17. Sinmabi, sirin, si Jesus, tan nalmo to ta apat lay agueo *ya oala* ed longonan.

18. Tan Betania asinġuer ed Jerusalem na labinliman estadios *cuan*.

19. Tan daquel iray Judio ya linma ed *caoalaan day* Marta tan Maria, piano liglioan da ra *ta say patey* na agui ran laqui.

20. Nen satan si Marta, nen arenġuel to ta onsasabi si Jesus, pinmaoay a onarap ed sicato: si Maria balet atilac ed abunġ.

21. Tan cuan nen Marta ed Jesus: Cataoan, no comon oadia ca, ag inatey so aguic.

22. Baṅ antac natan, ta say amin a picasian mod Dios, naitdan to ca.

23. Cuan nen Jesus ed sicato: Onoli ed bilay so aguim.

24. Cuan nen Marta, ed sicato: Antac ta onoli ed bilay diad quioli bilay no caonoran a agueo.

25. Cuan nen Jesus ed sicato: Siac so quioli bilay tan bilay: say manisia ed siac, angano inatey la, onbilay.

26. Tan say amin *too* ya mabilay, tan manisia ed siac, ag ompatey laos. ¿Sisiaen mo ia?

27. Cuan to ed sicato: On, Cataoan, nanisia ac ta sica so Cristo, ya Anac na Dios, ya linma ca dia ed mundo.

28. Tan nen inbaga to ya, inmanla, tan tinaoag to ed maamot so agui ton Maria, nancuan: Oadiay Managbangat tan taoaguen to ca.

29. Sicato, careñuel to ia, inmalaguey a tampol, tan linma ed caoalaan to.

30. (Ta ag ni acasabi si Jesus ed baley, bang oadman ni ed saman a calugaran ya inpacalmoan nen Marta ed sicato.)

31. Nen satan saray Judio ya iniba dad abung, tan liglioan da, nen anengneng da ta inmalaguey a tampol si Maria, tan pinmaoay, tinomboc dan nancuan: Onla ed longonan a mananguis ditan.

32. Bang si Maria, nen sinmabi ed caoalaay Jesus, canengneng to, nantalimocor ed saray sali to, nancuan: Cataoan, no comon oadia ca, ag inatey so agui.

33. Si Jesus nen saman, nen anengñenḡ toy mananḡuis, tan saray Judio ya aquila ed sicato, mananḡuis ira *muet*, naninḡal ed loob to tan naermuenan.

34. Tan cuan to: ; Iner so inpanḡuiian yo ed sicato? Cuan da ed sicato: Gala tan nengñenḡ mo.

35. Tan inmaquis si Jesus.

36. Cuan da nen saman na saray Judio: Nengñenḡ yoy caonunḡay pananḡaro to ed sicato.

37. Tan cuan day arum ed sicara: ; Ag macagaoa ia, ya acadilat na saray mata na bulag, ya ag inatey comon?

38. Tan si Jesus, naninḡal la muet ed loob to, sinmabi ed longonan: a saquey a longuib ya sinacoban na bato.

39. Cuan nan Jesus: Ecal yoy bato. Si Marta, ya agui na inatey, cuan to ed sica-to: Cataoan, ambanḡuet la, ta apat agueo to la.

40. Cuan nen Jesus ed sicato: ; Ag co inbaga ed sica, ta no manisia ca comon, nanengñenḡ moy galanḡ na Dios?

41. Nen satan inacal day bato ed inpanḡuinay inatey, tan si Jesus, tinmandag ed catagueyan, cuan to: Ama, misalamat ac ed sica, ta arenḡuelan mo ac.

42. Ta antac ta narenḡuel mo ac laoas: banḡ incuan co ia lapud caibaan ya oalan

manlibuer, piano sisiaen da ta sica so anġui-
baqui ed siac.

43. Tan nen inbaga to raya, incasil toy voces
to *nancuan* : Lazaro, onpaoay ca.

44. Tan pinmaoay so inatey oari, a nasin-
ġueray lilima tan saray sali to na saray panali;
tan aponġosay lupa to na saquey a panio. Cuan
nen Jesus ed sicara : Ochar yo, tan paolian yoy
onla.

45. Nen satan daquel day Judio ya dinmago
ira ed caoala nen Maria, tan anenġnenġ da so
agaoa nen Jesus, acapanisia ira ed sicato.

46. Banġ saray arum da linma ra ed saray
Fariseo, tan tinunġtunġ da ed sicara so agaoa
nen Jesus.

47. Nen satan saray manonan sacerdotes tan
saray Fariseo, inpatipon day casingbat da : tan
cuan da : ¿Antoy gaoaen tayo? ta sayan too
daquel so gaoaen toy tanda.

48. No tainan tin ontan, macapanisia ed
sicato so amin too, tan onla ra diay Romano,
tan bagbaġuen day simbaan tan nasion tayo.

49. Tan si Caifas, saquey ed sicara, ya ma-
nonan Pontifise ed saman a taon, cuan to ed
sicara : Angapoy cabat yo ;

50. Tan ag yo isipuen, ta oncana ed sicutayo
ta inatey so saquey a too lapud abig na baley,
tan ag naandi so amin a nasion.

51. Saya balet ag to inbaga nanlapud sicuton
dili : no ag inġuen, ta sicutoy manonan Pontifise

ed saman a taon, pinofreta to, ta si Jesus ompatey comon lapud abig na nasion :

52. Tan andi labat lapud abig na saman a nasion ; no ag inguen piano paitipon to muet a pasaquey to ray anac na Dios ya oalaran abuybuyac.

53. Canianti nanlapud saman a agueo aquisingbat ira, piano patien da.

54. Campuega ag la nanacaracar si Jesus diad mapatnag ed puegley day Judio : bang balet inmanla ditan ed cadalinan ya abay na calaoacan, diad saquey a ciudad ya ngaray Efraim ; tan nanayam ditan a pati saray binangatan to.

55. Tan asinguer lay Pascua day Judio : tan linmara ed Jerusalem so daquel a too na saman a ciudad nen ag ni Pascua, piano nasimpitan ira.

56. Tan anapuen day Jesus, tan nagsisalita iray saquey tan saquey diad simbaan : ¿ Antoy isip yo, ta ag onla dia ed fiesta ?

57. Tan initer day gangan na saray Pontifise tan Fariseo, ta no oala comon so micabat na caoalaan to, ipacabat to, piano naerel da comon.

Comalabinduan caoloan.

TAN si Jesus, anem agueon acaona ed Pascua, sinmabi ed Betania, diad caoalay

Lazaro ya inmolin binmilay ed saray inateyan.

2. Tan agaoa ra ed sicato diman so saquey a bansal no labi; tan nansisirbi si Maria, tan si Lazaro so saquey nanyuryurunġ ed lamesaan a pati sicato.

3. Nen satan inala nen Maria so saquey a libra na unguento na nardos *cuan*, ya balbaleg so bili to, tan pinoyocan to ray sali nen Jesus, tan apunas to ray sali to ed saray bueg ton *dili*; tan apanoy abunġ na balinguit na unguento.

4. Tan cuan na saquey ed saray binanġatan to; *a salanti*, si Judas Iscariote, anac nen Simon, ya sicato so manentrega ed Jesus:

5. ¿ Aquin casi ag nilaco ian unguento na talon lasus a denario, tan aitan ed saray duruca?

6. Saya so cuan to balet, alioan ta papagaan to ray duruca, no ag inġuen ta mataqueo, tan oala toy bolsaan tan sancaoito so inian ed sicato.

7. Nen satan cuan nen Jesus: Paolian mo: ta inatol to ia ed agueo na panguiPONPONAN co.

8. Ta saray duruca laoas ira ed sicayo, siac balet andi laoas oala ac ed sicayo.

9. Tan daquel a too na saray Judio acabat da ta oalad man si Jesus, tan linmara *ed caoalaan* to, andi labat lapud sicato, no ag inġuen

piano nanengnenġ day Lazaro, ya pinaoli tod bilay nanlupud inateyan.

10. Tan siningbat da na saray manonan sacerdotes so patien da muet si Lazaro :

11. Ta daquel na saray Judios onla ra *ed sicato* tan manisia ira ed Jesus lapud sicato.

12. Sanen agueon saquey daquel a catooan ya sinmabi ira ed piesta, nen arenġuel da ta onsabi si Jesus ed Jerusalem :

13. Inala ray sasangā na palma *cuan*, tan pinmaoay iran nanresibi ed sicato, tan naningal ira : Hosanna, mabendito so onla dia ed nġaran na Cataoan, say Ari nen Israel.

14. Tan nalmo nen Jesus so saquey a muelag a ayep a asno *cuan*, tan sinmapat ed sicato, onunġ na sinulatan :

15. Ag ca antacot, Anac a bii na Sion ; nia lay arim onla dian onsasapat ed saquey pollino na asna.

16. Saraya ag da atalosan na saray binanġatan to nen inmona : bang balet nen pinagloriaan si Jesus, anonotan da nen saman ta nisulatan iraya ya agaoa ra ed sicato.

17. Tan saray totoo, ya oala ed sicato nen tinaoag toy Lazaro ed longonan tan pinaoli tod bilay nanlapud saray inatey, pinatua ra ia.

18. Lapud saya muet saray totoo linmaran nanresibi ed sicato ; ta arenġuel da ta agaoa to-ian tanda.

19. Bang saray Fariseo nagsicuan ira :
; Nenġnenġ yo ta angapoy naala yo ? nia ta say
lapag a mundo ontomboc ed sicato.

20. Tan oalarad man so pigaran Griego
diad saray sinmabin nanġuigalang pueles na
piesta.

21. Saraya, sirin, sinminġuer ira ed Felipe,
ya toon na Betsaida na Galilea, tan aquicasi
ira ed sicato, nancuan ira : Cataoan, labay mi
comon nenġnenġuen si Jesus.

22. Dinmago si Felipe, tan inbaga to ed
Andres ; si Andres nen saman tan si Felipe
inbaga ra ed Jesus.

23. Tan inmuebat si Jesus ed sicara, nan-
cuan : Onsabi lan onsabi so horas no pagloriaan
so Anac na too.

24. Tua lan tua cuan co ed sicayo, ta no ag
naplag ed dalin so ilic na trigo, tan inatey,
natilac a bocor to ; bang no inatey comon,
daquel so patobo toy bonġa.

25. Say manġaro na bilay to, nabalang to ;
tan say manġola na bilay to ed sayan mundo,
niatol to diad bilay andi angaan.

26. No oalay mansirbi ed siac, tomboquen
to ac ; tan diad caoalaan co, diman muet
so caoalaay managsirbi ed siac. No oalay
mansirbi comon ed siac, naigalang nen
Amac.

27. Naermuen natan so camareruac : ; Tan
antoy ibagac ? Ama, nilaban mo ac ed sayan

horas : bang balet sicutoyay in pansabian co ed sayan horas.

28. Ama, paigalang moy ngaran mo. Nen satan sinmabi so voces a nanlapud taoen : Tan pinagalang co, tan paigalang co la muet.

29. Tan saray totoo ya oalaran macaarap, tan arenguel da, cuan da ta saquey a carol ; saray arum cuan da : Saquey a angel nansalita ed sicato.

30. Inmuebat si Jesus, tan cuan to : Ag sinmabi ian voces lapud siac, no ag lapud sicayo.

31. Natan so pangocom na sayan mundo : natan paalis ed paoay so macaokey ed sayan mundo.

32. Tan, no nipalaguey ac ed *tapueo na dalin*, payacar cod siac so amin a too.

33. Tan saya so cuan ton anguipicabat na caonungay patey a nitepuel to.

34. Inmuebat iray catooan : arenguelan mi ed gangan : ta si Cristo manbilay laos : ? Pan-on casi cuan mo : Oncana ta say Anac na too nipalaguey ? ; Opayan casi Anac na too ?

35. Cuan nen Jesus nen satan ed sicara : Daiset nin agueo oala ed sicayo so sileo ; manacar cayo legan yon oalay sileo, piano ag qui nasabian day cabilungtan : ta say onacar ed cabilungtan, ag to antay laen to.

36. Legan yon oalay sileo ; manisia qui ed

sileo, piano anac cayo na sileo. Sarayay sinalita nen Jesus, tan inmanla, tan inmaamot ed sicara.

37. Bang balet angano daquel so agaoa toy tanda ed arap da, ag ira manisia ed sicato :

38. Piano nasunġpal so salita ya inbagay profetan Isaias : Cataoan, ġopay nanisia na salita mi ? Tan ġopay nipacabatay taclay na Cataoan ?

39. Canian ag ira macapanisia, ta aminsan ni cuan nen Isaias :

40. Pinabulag to ray mata ra, tan pinaoet to ray caposoan da ; piano ag ira macaneng-neng ed saray mata, tan macatalos ira ed caposoan, tan manpataoli ira, tan paabig co ra.

41. Sarayay sinalita nen Isaias, nen aneng-neng toy galanġ to, tan aquisalitay nipaacar ed sicato.

42. Siansia angano diad saray macaoley daquel iray nanisia ed sicato ; bang balet lapud saray Fariseo ag ira nanpatua, piano ag ira napaalisan ed sinagoga.

43. Lapud inaro ran baleg so galanġ ya manlapud saray totoo, nen say galanġ ya manlapud Dios.

44. Bang si Jesus naningal, tan cuan to : Say manisia ed siac, alioan siac so sisiaen to, no ag say anġuibaqui ed siac.

45. Tan say macanengñeng ed siac, nanengñeng to so anğuibaqui ed siac.

46. Siac, ya sileo, linma ac dia ed mundo, piano say amin too ya manisia ed siac, ag manayam ed cabilunğtan.

47. Tan say macarenğuel na saray salita tan ag to ra onoren, ag ac so manocom ed sicato; ta ag ac linma dian manocom na mundo, no ag manğuilaban na mundo.

48. Say manpaalis ed siac, tan ag manğaco na saray salitac, oalay so manocom ed sicato: say salita ya sinalitac, sicutoy manocom ed sicato diad caonoran a agueo.

49. Ta ag ac nansalitan nanlapud siac a dili: banğ say Ama ya anğuibaqui ed siac, sicutoy anğuigangan ed siac na buetanğ con ibaga, tan buetanğ con salitaen.

50. Tan antac ta say gangan to so bilay andi angaan; canianti say salitaen co, onunğ na inbaga nen Ama ed siac, ontan salitaen co.

Comalabintalon caoloan.

NEN ag ni agaoa so piesta na Pascua, si Jesus ya anta to ta sinmabi lay horas na calabas to ed Ama manlapud mundo nia, onunğ na inaro to ray quien to, ya oalara ed mundo, *ontan muet* inaro to ra anğad caonoran.

2. Tan nen ayari lay pangnan da nen labi, bang nen inian lay diablo ed poso nen Judas, anac nen Simon Iscariote, ya ientregaan to comon,

3. Lapud cabat nen Jesus ta initer nen Ama so amin ed saray lilima to, tan ta pin-maoay nanlapud sicato, tan diad sicato so laen to,

4. Inmalaguey ed pangnan, tan inecal toy caoes to, tan inala toy saquey a tobatas, ya alibuer to *ed laman to*.

5. Insan inibunang toy danum ed saquey a batia, tan gapo ton punasan so saray sali day binangatan, tan panisan na tobatas ya alibueran *ed laman to*.

6. Tan sinmabi ed Simon Pedro; tan cuan nen Pedro ed sicato: Cataoan, *¿*sicay manpuesac na saray salic?

7. Inmuebat si Jesus, tan cuan to ed sicato: Say gaoaen co, ag mo natalosan natan; bang natalosan mo naani.

8. Cuan nen Pedro ed sicato: Ag ca manpuesac na saray salic laogas. Inmuebat si Jesus ed sicato: No ag ta ca napuesac, angapoy pibiang mo ed siac.

9. Cuan nen Simon Pedro ed sicato: Cataoan, andi labat so saray salic, no ag inguen saray lima, tan olo.

10. Cuan nen Jesus ed sicato: Say inamuesan la, ag to caoculang no ag napuesac so saray

sali to, ta masimpit so amin to. Tan asimpitan cayo, angano andi amin *ed sicayo*.

11. Lapud anta toy opay mangüientrega ed sicato: canianti cuan to: Ag quin amin asimpitan.

12. Tan nen ayari to lan apuesac so saray sali da, tan inala toy caoes to, nanyurung la muet ed lamesaan, tan cuan to ed sicara: ¿Anta yo so agaoac ed sicayo?

13. Ngaran yo ac Managbangat tan Cataoan; tan maong so cuan yo, ta sicutoy tua:

14. No siac, sirin, ya Cataoan tan Managbangat, napuesac ac na saray sali yo; sicayo muet buetanğ yo napuesac cayo saquey tan saquey.

15. Tan agaoac so pialig yo, piano onunğ na agaoac ed sicayo, ontan muet gaoen yo comon.

16. Tua lan tua cuan co ed sicayo: Say aripuen alioan balbaleg nen say Cataoan to, tan say abaquian nen say anğuibaqi ed sicato.

17. No anta yo raya, mapalar cayo no nasunğpal yo ra.

18. Ag co nasalita ed sicayon amin: antac so saray apilian co: bang balet piano nasunğpal so Sulat: Say mican ed siac na tinapay, inpalaguey ton onsunğpad siac so saconğ to:

19. Cuan co ed sicayo manlapud natan, nen ag ni agaoa, piano manisia quid siac, no nagaoa.

20. Tua lan tua cuan co ed sicayo, ta say mangaco na *toon* ibaquian co, siac so acoen to; tan say mangaco ed siac, acoen toy angui-baqui ed siac.

21. Nen inbaga to laya nen Jesus, apagalao so camarerua to, tan cuan to: Tua lan tua cuan co ed sicayo, ta saquey ed sicayo mamaen-trega ed siac.

22. Nen satan saray binangatan nilingayan da ray saquey tan saquey, nanduarua ira no siopay salitaen to.

23. Tan saquey ed saray binangatan to, ya inararo nen Jesus, oalan nandocdocol ed pagueo nen Jesus.

24. Saya, sirin, tinanda nen Simon Pedro, piano tepueten toy opay iman a salitaen to.

25. Tan iparocol toy olo to ed pagueo nen Jesus, tan cuan to: Cataoan ; opa casi?

26. Inmuebat si Jesus: Saman ya itdan coy abasan tinapay: tan nen abasa toy tinapay, initer to ed Judas Iscariote, anac nen Simon;

27. Tan nen quinan to, insan linmoob ed sicato si Satanas. Nen saten cuan nen Jesus ed sicato: Say gaoaen mo, magano can mangaoa.

28. Bang angapo ed saray nanyuryurung

ed lamesaan atalosan to no aquin casi inbaga to nia.

29. Ta inisip day arum, lapud si Judas so macanaoit na bolsaan, ta cuan nen Jesus ed sicato: Isaliom so caoculang̃ tayo ed piesta; o ta iter toy quien ed saray duruca.

30. Nen ayari to lan quinan so tinapay, insan pinmaoay, tan labi la.

31. Bang̃ nen, sirin, pinmaoay, cuan nen Jesus: Natan nagalang̃ so Anac na too, tan nagalang̃ so Dios ed sicato.

32. No nagalang̃ so Dios ed sicato, say Dios muet paigalang̃ to ed incasicaton dili; tan paigalang̃ ton tampol.

33. Anaco, daiset ni so oala ac ed sicayo. Anapuen yo ac: bang̃ balet, onung̃ na inbagac ed saray Judio: Diad laen co, ag yo nayarian laen: ontan muet cuan co ed sicayo natan.

34. Saquey a balon gangan iter co ed sicayo: Ta naaro cayoy saquey tan saquey: onung̃ na inaroc ed sicayo, ontan muet naaro cayoy saquey tan saquey.

35. No oalay aro yon saquey tan saquey, nabirbir dan amin ta sicayoy binang̃atan co.

36. Cuan nen Simon Pedro ed sicato: Cãtaoan, ¿iner so laen mo? Inmuebat si Jesus ed sicato: Ag mo ac nayarian tomboquen natan diad laen co; bang̃ tomboquen mo ac naani.

37. Cuan nen Pedro ed sicato; Cataoan,

? aquin ag ta ca nayarian tomboquen natan?
 Iter coy bilay co lapud sica.

38. Inmuebat si Jesus ed sicato: ¿ Iter moy bilay mo lapud siac? Tua lan tua cuan co ed sica, ta ag mangantay bulang, no ag mo ac ni pandien na manitlo.

Comalabinapat a caoloan.

AG naermuenan comon so poso yo: manisia qui ed Dios, manisia qui muet ed siac.

2. Diad abung nen Amac oalaray daquel a panayaman: no alioan ontan, inbagac a tua ed sicayo: onla ac sirin mantaria na calugaran ed sicayo.

3. Tan no onla ac la, tan natarian coy calugaran ed sicayo, ompaoil ac la muet, tan naoit ta cayo ed siac a dili; piano diad caoalaan co, diman muet so caoalan yo.

4. Tan anta yo so laen co; tan anta yo *muet* so dalan.

5. Cuan nen Tomas ed sicato: Cataoan, ag mi anta no iner so laen mo: ¿ panon sirin nacabatan mi dalan?

6. Tan cuan nen Jesus ed sicato: Siac so dalan, tan catuaan, tan bilay: angapoy macasabi ed Ama, no ag diad panamuegley co.

7. No cabat yo ac comon, cabat yo muet so

Amac; tan cabat yo manlapud natan, tan anenġnenġ yo.

8. Cuan nen Felipe ed sicato: Cataoan, ipan-enġnenġ mo ed sicami so Ama, tan sarag la ed sicami.

9. Cuan nen Jesus ed sicato: ¿Abayag lay agueo oala ac ed sicayo, tan ag mo ac ni cabat, Felipe? Say acan-enġnenġ ed siac, anenġnenġ toy Ama. ¿Panon, sirin, cuan mo: Ipan-enġnenġ moy Ama ed sicami?

10. ¿Ag mo lagui sisiaen ta oala ac ed Ama, tan say Ama ed siac? Saray salita ya salitaen cod sicayo, ag co ra salitaen a manlapud siac a dili: banġ say Ama ya oala ed siac, sicutoy macasunġpal na saray gaoa.

11. Sisiaen yo ac comon ta oala ac ed Ama, tan say Ama ed siac; no alioan ontan sisiaen yo ac lapud saray dilin gaoa.

12. Tua lan tua cuan co ed sicayo, ta say manisia ed siac, gaoaen to ra muet so gaoa ya gaoaen co, tan balbaleg nen sicara so gaoaen to: ta onla ac ed Ama:

13. Tan say amin a ipicasi yo ed Ama ed nġaran co, sayay gaoen co: piano nagalang so Ama diad Anac.

14. No oalay ipicasi yo diad nġaran co, *sicutoy* gaoaen co.

15. No aroen yo ac, onor yo ray gangan co.

16. Tan picasian coy Ama, tan iter to ed

sicayo so saquey a Managliglio, piano manayam ed sicayo laos:

17. Say Espiritu na Catuaan, ya ag naaco na mundo, ta ag to nanengñeng, tan ag to nacabatan: bang sicayo cabat yo: ta manayam ed sicayo, tan oalan oala ed sicayo.

18. Ag ta cayon tainan a olila: ompaoil ac ed sicayo.

19. Daraiset ni, tan ag to ac la nanengñeng na mundo; bang nanengñeng yo ac balet; ta lapud mabilay ac, tan onbilay qui la muet.

20. No saman a agueo nacabatan yo ta oala ac ed Amac, tan sicayo ed siac, tan siac ed sicayo.

21. Say oala to ray gangan co, tan naonor to ra, sicato so mangaro ed siac; tan say mangaro ed siac, naaro muet nen Amac, tan aroen co muet, tan onpanengñeng ac ed sicato.

22. Cuan ed sicato nen Judas, alioan si Iscariote: Cataoan, ; aquin casi onpanengñeng ca ed sicami, tan andi ed mundo?

23. Inmuebat si Jesus, tan cuan to ed sicato: Say mangaro ed siac, naonor toy salitac; tan naaro nen Amac, tan onsabi cami ed sicato, tan miayam cami ed sicato.

24. Say ag mangaro ed siac, ag to naonor so saray salitac; tan say salita ya arenguel yo, ag co quien, no ag quien nen Ama ya angui-baqui ed siac.

25. Saraya sinalitac ed sicayo, nen oala ac ed sicayo.

26. Banḡ say Managliglloa, *salanti* say Espiritu Santo, ya ibaquian nen Ama ed nḡaran co, sicutoy manbanḡat ed sicayo na ganagana, tan manpanonot ed sicayo na ganaganay inbagac ed sicayo.

27. Itilac co ed sicayo so careenan co, say careenan coy iter co ed sicayo; alioan singa iter na mundo, iter co ed sicayo; ag naermue-nan so poso yo, tan ag antacot.

28. Arenḡuel yo so inbagac ed sicayo: Onla ac tan onpaoil ac ed sicayo. No comon aroen yo ac, onliquet quin tua lapud inbagac ta onla ac ed Ama; ta say Ama balbaleg nen siac.

29. Tan natan inbagac ed sicayo nen ag ni agaoa, piano no nagaoa, sisiaen yo.

30. Ag ac la mansalita na daquel ed sicayo: lapud onsabi lan onsabi so manoley ed mundo nia, ya angapoy oala to ed siac.

31. Banḡ balet piano nacabatay mundo ta aroen coy Ama, tan gaoaen coy onunḡ na in gangan nen Ama ed siac. Laḡuey qui, tan onalis iti dia.

Comalabinliman caoloan.

SIAC so matuan ubasan; tan say Ama so tumatalon.

2. Say amin a sangã ya ag macabongã ed siac, popoen to : tan say amin a macabongã, panisan to, piano macabongã nin daquel.

3. Sicayo lan apanisan, ed panamuegley na salita ya sinalitac ed sicayo.

4. Manayam quid siac, tan manayam ac comon ed sicayo. Onunã na say sangay ubasan ag macabongã manlapud sication dili, no ag nitequep ed ubasan, ontan qui muet no ag qui nitequep ed siac.

5. Siac so ubasan, sicayo so sangasangã ; say manayam ed siac, tan siac diad sication, saya macabongã na daquel : (ta angapoy nayari yon gaoen no ag diad panamuegley co.)

6. Say ag manayam ed siac, paalis ed paoay singã maogues a sangay ubasan, tan namaga ; tan alaen da ra, tan ibantac da ed apuy tan naolam ira.

7. No manayam quid siac, tan saray salitac diad sicayo, say ganaganay calictan yo, ipicasi yo, tan nagaoa ed sicayo.

8. Diad saya nagalangã so Amac, lapud *lanti* macabongã qui na daquel, tan ontan binangatan ta cayo comon.

9. Onunã na inaro ac nen Ama, ontan muet inaro ta cayo : mansiansian qui ed panangaroc.

10. No comon naonor yo ray gangan co, onsiansian qui ed panangaroc : onunã na siac.

inuēt aonor co ray gangan nen Amac, tan mansiansian ac ed panangaro to.

11. Sinalitac ed sicayoy iraya, piano oala ed sicayo so liquet co tan nayaryari so liquet yo.

12. Saya so gangan co: Ta naaro cayo saquey tan saquey, onunḡ na inaro ta cayo.

13. Angapoy balbaleg a aro nen saya, ta *salanti* oalay manguitar na bilay to lapud saray caaro to.

14. Sicayo so caaroc, no naonor yo ray gangan co ed sicayo.

15. Ag ta cayo la nḡaray aripuen; ta say aripuen ag to anta so gaoen na Cataoan to: banḡ innḡaran ta cayon caaro, ta lapud in-pacabat co ed sicayo so amin ya arenḡuelan co ed Amac.

16. Alioan sicayo so amili ed siac, no ag inḡuen siac so amili ed sicayo: tan ingaton ta cayo piano onla qui tan macabonḡa; tan onsiansian so bonḡa yo: piano ganaganay ipicasi yo ed Ama diad nḡaran co, iter to ed sicayo.

17. Saya so igangan co ed sicayo: Ta naaro cayo saquey tan saquey.

18. No nagola cayo na mundo, anta yo ta agola to ac inmona nen sicayo.

19. No quien yo comon na mundo, aroen comon na mundo so quien to: banḡ lapud ag yo quien na mundo, no ag inḡuen ta pinili ta

cayo nanlapud mundo, campuega nagola cayo na mundo.

20. Nonot yoy salitac a inbagac ed sicayo : Ag balbaleg so aripuen nen say cataoan to. No sinunġpa da ac, sunġpaen da cayo muet no inonor day salitac, onoren da muet so quien yo.

21. Banġ gaoaen da ed sicayo so sarayan a min lapud say nġaran co : ta ag da cabat so anġuibaqui ed siac.

22. No comon ag ac linma dia, tan acasalita ed sicara, angapoy casalanan da ; natan balet angapoy baraan na casalanan da.

23. Say manġola ed siac, golaen to muet so Amac.

24. No ag co asunġpal ed puegley ra so saray gaoa, ya angapoy acasunġpal na ontan, angapoy casalanan da ; natan balet, anenġ-nenġ da ra, tan *siansia* gulaen da ac tan say Ama.

25. Banġ *nagaoa ia* piano nasunġpal so salita ya nisulatan ed Gangan da : Ta *salanti* agola da ac diad andi catonunġan da.

26. Banġ balet no onsabi comon so *Managliglio*a, ya ibaquic ed sicayo manlapud Ama, say Espiritu na Catuaan, ya sicutoy manlapud Ama, sicutoy macatasi ed siac.

27. Tan macatasi qui muet, ta lapud aquiiba quid siac anġad inmona.

Comalabinanem a caoloan.

SARAYAY cuan co ed sicayo piano ag qui macapancasalanan.

2. Paalisan da cayo ed saray sinagoga: tan onsabi nin horas, no say buenġatlan mamatey ed sicayo, isipuen to ta igalang toy Dios *ed satan*.

3. Tan sarayay gaoen da, ta ag da cabat si Ama tan siac.

4. Banġ inbagac ia ed sicayo, piano no onsabi anan a horas, nonoten yo ta inbagac la ed sicayo; saya balet ag co inbaga ed sicayo nen inmona, lapud oala ac ed sicayo.

5. Banġ balet onla ac natan ed anġuibaqui ed siac, tan angapo ed sicayoy mantepuet ed siac; ġ iner so laen mo?

6. No ag inġuen ta sinalitac ed sicayo so saraya, napno so poso yo na caermuenan.

7. Banġ balet cuan co ed sicayo so tua: Ta maonġ ed sicayo no onla ac; ta no ag ac onla, ag onsabi comon ed sicayo so Managliglioa; no onla ac balet, panbaquian co ed sicayo.

8. Tan no onsabi, balaoen toy mundo na casalanan, na catonunġan, tan pangocom:

9. Na casalanan a tua, lapud ag ira manisias ed siac:

10. Na catonunġan, lapud onla ac ed Ama, tan ag qui la ac nanenġnenġ.

11. Tan na panġocom, ta lapud naocom la so manoley ed sayan mundo.

12. Oala ra nin daquel a ibagac ed sicayo, banġ ag yo ra nitepuel natan.

13. Banġ balet no onsabi man Espiritu na Catuaan, sicatoy manpuetec ed sicayo ed amin a catuaan ; ta ag mansalitan manlapud sication dili, no ag inġuen salitaen toy amin a narenġuel to comon, tan ipacabat to ed sicayo so saray onsasabi.

14. Sication manpaigalanġ ed siac, ta alaen to so quien co, tan ipacabat to ed sicayo.

15. Say amin ya oala nen Ama, quien co ; canianti incuan co ed sicayo, ta alaen to so quien co, tan ipacabat to ed sicayo.

16. Daraiset ni, tan ag yo ac la nanenġnenġ : tan daraiset ni muet, tan nanenġnenġ yo ac : ta onla ac ed Ama.

17. Nen satan nansicuan iray arum day binanġatan to saquey ed saquey : ¿ Antoy cabalicsan iay cuanto ed sication : Daraiset ni tan ag yo ag nanenġnenġ ; tan daraiset nin la muet tan nanenġnenġ yo ac : tan, lapud onla ac ed Ama ?

18. Cuan da sirin : ¿ Antoyay cuanto : Daraiset ni ? Ag ti natalosan so salitaen to.

19. Tan acabat nen Jesus ta labay ra comon mantepuet ed sication, tan cuanto ed sicara :

¿ Mansitepuet quin saquey ed saquey na sayay cuan co, daraiset ni, tan ag yo ac nanengñenḡ, tan la muet daraiset ni tan nanengñenḡ yo ac?

20. Tua lan tua cuan co ed sicayo ta onnanḡuis cayo tan oninḡal, tan onliquet so mundo; banḡ balet angano naermuenan qui natan, naoman ed gayaga so caermuenan yo.

21. No mananac so bii, oalay saquit to, ta sinmabi lay horas to; banḡ nen nananac lay ugao a laqui, ag to la nonotan so cairapan, ta lapud liquet ed quianac na saquey a too ed mundo.

22. Ontan qui muet maermuen qui natan a tua: banḡ balet nanengñenḡ ta cayo la muet, tan onliquet so poso yo, tan angapoy macaecal ed sicayo so liquet yo.

23. Tan diad saman a agueo angapoy itepuet yo ed siac. Tua lan tua cuan co ed sicayo ta ganagana ya ipicasi yo ed Ama ed panamuegley na nḡaran co, iter to ed sicayo.

24. Anḡad natan angapoy inpicasi yo ed panamuegley na nḡaran co; picasi yo tan naaco yo, piano nayaryari so liquet yo.

25. Sinalitac iraya ed sicayo diad caalimbaoan; banḡ onsabi lay horas no ag ta qui la salitaen comon ed caalimbaoan, no ag inḡuen ipacabat coy Amac ed sicayo diad mapatnag.

26. No saman a agueo micasi cayo ed pa-

namuegley na nġaran co; tan ag co cuan ed sicayo, ta picasian coy Ama ta sicayo;

27. Lapud say Amay mangaro ed sicayo, ta inaro yo ac muet, tan sinisia yo ta pinmaoay ac ed Dios.

28. Pinmaoay ac ed Ama, tan linma ac dia ed mundo: tainan co la muet so mundo tan onla ac ed Ama.

29. Cuan day binanġatan ed sicato: Nia, ta mansalita ca natan a mapatnag, tan angapoy caalimbaoa so cuanen mo.

30. Natalosan mi natan ta cabat moy amin, tan ag mo caoculang ta oalay mantepuet ed sica; lapud saya manisía cami tan pinmaoay ca ed Dios.

31. Inmuebat si Jesus ed sicara: ¿manisia qui natan?

32. Nia lay onsabi so horas, tan sinmabi la, no naibuyac quin amin sinansaquey ed saray quien to, tan tainan yo ac a bocor: bang andi ac a bocor, ta oala ed siac so Ama.

33. Sarayay sinalitac ed sicayo, piano oala yoy careenan ed siac: diad mundo oalay cairapan yo; bang balet manilalo cayo, ta nanalo ac na mundo.

Comalabinpitan caoloan.

SARAYAY sinalita nen Jesus, tan tinmandag ed taoen, tan cuan to: Ama, onsabi lay

horas : paigalang moy Anac mo, piano paigalang ca muet na Anac mo :

2. Onung na initer mo ed sicato so pacao-ley ed amin a laman ; piano itdan toy bilay andi angaan ed amin toon initer mod sicato.

3. Saya balet so bilay andi angaan : Ta cabat da can bocor so Dios a matua, tan si Jesu Cristo, ya inbaquian mo.

4. Inpaigalang ta ca ed dalin : asungpal coy gaoa ya initer mo ed siac.

5. Natan sirin, Ama, paigalang mo ac diad incasican dili ed saman a galang, ya quien co nen oala ac ed sica, nen ag ni apalsay mundo.

6. Inpacabat coy ngaran mo ed saray totoon initer mo ed siac na sayan mundo : quien mo ra, tan initdan mo ra ed siac, tan inonor day salitam.

7. Natan cabat da ta quien mo so ganaganay initer mo ed siac.

8. Ta initer co ed sicara so saray salita ya initer mo ed siac ; tan inaco la ra, tan acabat dan tua ta pinmaoay ac ed sica, tan sinisia ra ta sicay anguibaqui ed siac.

9. Picasian co ra ; ag co picasian so mundo, no ag inguen saray initer mo ed siac, ta quien mo ra *lanti*.

10. Tan saray amin a quien co, quien mo *muet*, tan saray quien mo, quien co ra *muet* ; tan ingalang ac ed panamuegley ra.

11. Tan ag ac la oadia ed mundo : saraya

balet oala ra ni ed mundo, tan siac onla ac ed sica. Aman masantos, bantayan mo ra lapud say nġaran mo so saray initer mo ed siac, piano sacsaquey iran quien, siġa sicutayo muet.

12. Banġ nen oala ac ed sicara, siac so amantay ed sicara diad nġaran mo; saray initer mo ed siac, binantayan co ra, tan angapoy abalanġ ed sicara, no ag samay anac na caandian, piano nasunġpal comon so Sulat.

13. Banġ natan onsabi ac ed sica: tan salitaen co ia diad mundo, piano nasunġpal ed sicaran dili so liquet co.

14. Initer co ed sicara so salitam, tan agola ira na mundo; ta lapud ag ira quien na mundo, onunġ na ag ac muet, quien na mundo.

15. Ag co ipicasi ta paecal mo ra ed sayan mundo, no ag ta ilaban mo ra ed maogues.

16. Ag ira quien na mundo, onunġ na siac ag ac muet quien na mundo.

17. Pasantos mo ra ed panamuegley na catuaan mo: say salitam so catuaan.

18. Onunġ na inpanbaquian mo ac ed mundo, ontan muet so inpanbaquian co ra ed mundo.

19. Tan lapud sicara pasantosan ac a dili; piano napasantos ira muet ed panamuegley na catuaan.

20. Banğ ag co ran bocor picasi, no ag inğuen sizaran *amin* ya manisia ed sica ed panamuegley na salita ra ;

21. Piano sacsaquey a quien iran amin, onunğ na sica, Ama, diad siac, tan siac diad sica, ta sicara muet *sacsaquey* ira diad sicutayo, piano sisiaen na mundo ta sica so anğuibaqi ed siac.

22. Tan initer co ed sicara so galanğ ya initer mo ed siac, piano sacsaquey iran quien, onunğ na sacsaquey iti muet.

23. Siac diad sicara, tan sica diad siac, piano sacsaquey iran ayaryari ; pian nacabatay mundo ta sica so anğuibaqi ed siac, tan inarom ira, a onunğ na inaro mo ac muet.

24. Ama, saray initer mo ed siac, labay co ya diad caoalaan co, so caoalaan da muet ed siac : piano nanenğnenğ day galanğ co ya initer mo ed siac : lapud inaro mo ac anğad pinalsay mundo.

25. Ama ya matununğ, ag to ca cabat na mundo : banğ siac cabat ta ca, tan saraya cabat da ta sica so anğuibaqi ed siac.

26. Tan inpacabat co ed sicara so nğaran mo, tan ipacabat co ni ; piano say aro, ya inpanğarom ed siac, oala ed sicara, tan siac diad sicara.

Comalabinoalon caoloan.

BANĜ nen ayari la nen Jesus nansalitay iraya, pinmaoay a pati saray binanĝatan to, ta linma ed bieci a saquey na saloy na Cedron, ya caoalaay saquey a laguertaan, ya niluganay Jesus a pati saray binanĝatan to.

2. Tan cabat muet nen Judas, ya macaentrega ed sicato, so saman a calugaran, ta maminpiga linmad man si Jesus a pati saray binanĝatan to.

3. Nen satan si Judas inala toy saquey a catiponan day soldados tan aguasiles a nantalapud saray pontifises tan Fariseos, tan linmarad man a sancaoit da ray parol tan sileo tan diayura.

4. Banĝ si Jesus balet lapud nacabatan toy ran amin ya onsabi ed sicato, pinmaoay a inmarap ed sicara, tan cuan to ed sicara: *¿Opay anapuen yo?*

5. Inmuebat ira ed sicato: Si Jesus Nazareno. Cuan nen Jesus ed sicara: Siac lanti. (Tan oadman muet a iba ra si Judas ya macaentrega ed sicato.)

6. Tan nen capanibaga to, Siac lanti, sinmoner ira tan aplag ira ed dalin.

7. Pinmaoil, sirin, a nantepuet ed sicara: *¿Opay anapuen yo?* Tan cuan da: Si Jesus Nazareno.

8. Inmuebat si Jesus: Cuan co la ed sicayo ta siac lanti: no siac sirin so anapuen yo, paolian yo rayan onla:

9. Piano nasunġpal comon so salitan inbaga to: Angapoy abalang co ed saray initer mo ed siac.

10. Nen satan si Simon Pedro ya sanca-oitoy calis, binagot to, tan asugatan toy aripuen na pontifise tan pinotolan toy layag ton caoanan. Tan si Malco so nġaran na aripuen iman.

11. Cuan nen Jesus nen saman ed Pedro: Ilugan moy calis ed caloban to, say bason initer nen Ama ed siac ; ag co casi inumuen?

12. Nen satan say catiponan day soldado tan tribuno, tan saray alguasiles day Judio inerel day Jesus tan asingueran da.

13. Tan inacar da nen inmona ed Anas, lapud sicutoy catolangan nen Caifas, ya nan-pontifise ed saman a taon.

14. Tan si Caifas sicutomay anġuiter na bilin ed saray Judio: Ta *salanti* oncana comon ya inatey so saquey a too ta *say abig* na amin a baley.

15. Tan acatomboc ed Jesus si Simon Pedro tan saquey a binanġatan; tan saman a binanġatan cabat na pontifise, tan aquilooob ed Jesus diad silunġan na pontifise.

16. Bang si Pedro oadman ed paoay na caput; tan pinmaoay iman a binanġatan ya

cabat na pontifise tan aquisalita ed biin ma bantay na caput, tan pinaloob toy Pedro.

17. Nen satan say biin managsirbi ya mantay na caput cuan to ed Pedro: *¿Alioan ca casi ed saray binangatan na sayan too?* Cuan to: Andi ac.

18. Tan saray aripuen tan alguasiles oadman iran manalalaguey *ed asinġuer* na apoy na uling, a sinelselan da; ta ambuetel lanti, tan napuepuetang ira; tan oadman muet a iba ra si Pedron manalalaguey a napuepuetang.

19. Tan tinepuet na Pontifise ed Jesus ni-paacar ed saray binangatan to tan bangat.

20. Inmuebat si Jesus ed sicato: Siac diad mapatnag so inpansalita ed mundo; siac nanbangat ac laos diad sinagoga tan diad simbaan, iner so pantiponan day amin a Judio; tan angapoy sinalita ed maamot.

21. *¿Antoy tepuet mo ed siac?* Tepuet mo ed saray acarenguel na sinalsalita ed sicara; nia ta sicaray macaanta na inbagac.

22. Tan nen inbaga to ia, saquey ed saray oadman a managsirbi, tinampal toy Jesus, nancuan: *¿Ontan so ebat mo ed Pontifice?*

23. Inmuebat si Jesus ed sicato: No sinalita so maogues, ipanengneng moy maogues, tan no maong *¿aquin et tinampal mo ac?*

24. Tan inbaqui nen Anas *si Jesus a asin-ġueran* ed Caifas ya manonan sacerdotes?

25. Tan oadman si Pedron manalalaguey a napuepuetanġ, tan cuan da ed sicato: Alioan sica ed saray binanġatan to? Tan pinandi to, tan cuan to: Andi.

26. Saquey ed saray aripuen na pontifice, canayon tonman ya pinotolan nen Pedro so layag to, cuan to ed sicato: ĩ Ag ta ca lagui anenġnenġ ed laguertaan a inibaan mo?

27. Tan pinandi nen Pedro la muet; tan camanta, nancantay bulanġ.

28. Tan inacar day Jesus nanlapud Caifas anġad Pretorio, tan cabuasan nen saman; tan ag ira acaloob ed Pretorio piano ag ira narutacan, no ag inġuen macapanġan ira na Pascua.

29. Nen satan pinmaoay si Pilato ed sicara, tan cuan to: ĩ Antoy colcol yo ed sayan too?

30. Inmuebat ira tan nancuan ed sicato: No alioan managcasalan ian to, ag mi inacar ed sica.

31. Cuan nen saman nen Pilato: Alaen yo, tan ocomuen yo onunġ na gangan yo. Tan cuan day Judio ed sicato: Ag cami manepueg a mamatey na buenġatlan too.

32. Piano nasunġpal comon so salitan inbagay Jesus, nen tinandaan to so ipatey a nitepuel to.

33. Canianti linmoob la muet si Pilato diad

Pretorio, tan tinaoag toy Jesus, tan cuan to ed sicato: ¿Sica so ari day Judios?

34. Inmuebat si Jesus ed sicato: ¿Cuan mo tan manlapud sican dili, no inbaga ra ed sica day arum a onsungpad siac?

35. Inmuebat si Pilato: ¿Judio ac casi? Say capolian mo tan saray pontifise inacar da ca ed siac: ¿antoy agaoam?

36. Inmuebat si Jesus: Say panarian co alioan quien na sayan mundo: no quien common na sayan mundo so panarian co, manbacal iray managsirbi ed siac, piano ag ac naentregaan ed saray Judio; natan, sirin, andi dia so panarian co.

37. Cuan nen saman nen Pilato: ¿Arin ca sirin? Inmuebat si Jesus: Sicay nancuan ta ari ac: lapud saya nianac ac ed mundo, tan linma ac dia ed mundo, *salanti*, piano patuaen coy catuaan. Say amin too ya quien na catuaan, narenḡuel toy voces co.

38. Cuan nen Pilato ed sicato: ¿Anto casi catuaan? Tan capanibaga to nia, pinmaoay la muet ed saray Judio, tan cuan to ed sicara: Angapoy nalmoc a casalanan diad sicato.

39. Bang balet oalay ogali diad sicayo, ta ibolos co ed sicayo so saquey a *apresoan* diad pascua: ¿labay yo, sirin, ta ibolos co ed sicayo so ari day Judio?

40. Nen satan incasil day voces dan la muet, nancuan ira: Alioan saya, no ag si

Barrabas. Tan si Barrabas so saquey a mataqueo.

Comalabinsiam a caoloan.

CANIAN TI inala nen saman nen Pilato si Jesus, tan nileuet to.

2. Tan saray soldados inaramueyan day saquey a corona na sabitsabit tan inian da ed olo to, tan quinaoesan da na saquey ambalangān caoes.

3. Tan cuan da: Salve can ari day Judio! Tan tinampalan day *lupa to*.

4. Nen satan pinmaoay le muet si Pilato, tan cuan to ed sicara: Nia payacar co ed sicayo diad paoay, piano natalosan yo ta angapoy nalmoc a caugsan diad sicato.

5. Tan pimnaoay si Jesus a sancaoit to so corona na sabit, tan say ambalangān caoes. Tan cuan *nen Pilato* ed sicara: Nia lay too.

6. Tan canengñenḡ dan manonan sacerdotes tan saray managsirbi, naningal iran nancuan: Ipasac mo ed crus, Ipasac mo ed crus. Cuan nen Pilato ed sicara: Alaen yo, tan ipasac yo ed crus; ta angapoy nalmoc a caugsan ed sicato.

7. Inmuebat iray Judio ed sicato: Oalay gangan ed sicami, tan onunḡ na gangan mi manepueg ompatey, ta lapud agaoa ton dili so Anac na Dios.

8. Tan nen arenḡuel ian salita nen Pilato, antacot nin baleg.

9. Tan linmoob la muet ed pretorio, tan cuan to ed Jesus: *¿* Iner so panlapuan mo? Banḡ si Jesus balet angapoy ebat to ed sicato.

10. Nen satan cuan nen Pilato ed sicato: *¿* Ag ca mansalita ed siac? *¿* Ag mo anta ta oalay pacaoley co piano paipasac ta ca ed crus, tan oalay pacaoley co piano ibolos ta ca?

11. Inmuebat si Jesus: Angapoy pacaoley mo comon a onsunḡpa ed sica, no ag naiter ed sica nanlapud taguey; canianti balbaleg so casalanan na *too* ya inentregan to ao ed sica.

12. Nanlapud saman labay nen Pilato bolosan si Jesus; banḡ saray Judio inmaquis iran nancuan. No ibolos mo ian *too*, ag ca casalo nen Cesar. Say buenḡatlan nagaoa ton dilin ari, onsunḡpad Cesar.

13. Nen satan si Pilato, nen arenḡuel to yan salita, inacar toy Jesus ed paoay, tan nanyurunḡ ed tribunal, diad calugaran ya nanḡaray Lithostrotos, tan diad salitan he-brea, Gabbatha.

14. Tan acaona nen pascua *iman agueo*, tan horas na comanem: tan cuan to ed saray Judio: Niay ari yo.

15. Banḡ inmaquis iran nancuan: Ecal mo,

ecal mo ; ipasac mo ed crus. Cuan nen Pilato ed sicara : ¿ Say ari yoy ipasac co ed crus ? Inmuebat iray pontifise : Angopoy arum a ari mi no ag si Cesar.

16. Nen satan inentrega to ed sicara, piano nipasac ed crus ; tan inala ray Jesus tan inacar da.

17. Tan sancaoit toy crus to, tan sinmabi ed calugaran ya nğaray. Calvario, tan diad salitan hebrea, Gologota :

18. Tan inpasac da ed crus diman, a pati duaran *catao* a iba to, saquey ed bieci a saquey, tan si Jesus diad puegley.

19. Tan insulat nen Pilato so saquey a titulo, ya inian to ed tapueo na crus tan onia so sulat *to* : SI JESUS NAZARENO ARI DAY JUDIO.

20. Tan abasa ray ian titulo na daquel a Judio ; ta asinguer ed ciudad so calugaran a caoalay Jesus nipasac ed crus ; tan asulatan na salitan hebreo, griego, tan latin.

21. Tan cuan da ed Pilato na saray pontifise day Judio : Ag mo sulatan, Ari day Judio ; no ag ta say cuan to : Siac so Ari day Judio.

22. Inmuebat si Pilato : Say nisulat co, nisulat co.

23. Tan nen ayari la ray soldados nipasac day Jesus ed crus, inala ray caoes to, tan pinipat da, (saquey ed sinansauey da) tan say

tunica: bang say tunica ag naraitan, naabi amin manlapud taguey.

24. Tan nansicuan ira: Ag ti pilaten, no ag say ipalar ti no opay quien: piano nasungpal so Sulat ya mancuan: Pinaldua da ed sicara so saray caoes co, tan inpalar day sacob co. Tan agaoa ray ontan na saray soldado.

25. Tan oalara ed abay na crus nen Jesus so ina to, tan say aguin bii na ina to, si Maria *asaoa* nen Cleofas, tan si Maria Magdalena.

26. Tan nen canengneneng nen Jesus so ina to; tan say binangatan a inaro to, ya oadman muet, cuan to ed ina to: Bii, niay anac mo.

27. Insan cuan to ed binangatan: Niay inam. Tan nanlapud saman a horas inaco na binangatan diad sicato.

28. Nen ayari la tan, nen cabat nen Jesus ta asungpal la ran amin, piano nasungpal so Sulat, cuan to: Naigum ac.

29. Tan oadman so saquey a vason napnoy tocá. Tan binasa ra na tocá so saquey esponjan *cuan* ya inian da ed saquey a isopo, tan inpasinguer da ed sangui to.

30. Tan nen ataoay nen Jesus so tocá, cuan to: Nasungpal la. Tan nen atungo toy olo, initer toy camarerua.

31. Nen satan saray Judio, lapud visperas iman na Pascua, piano ag natilac ed crus so saray bangcay ed agueo na sabado, inpicasi

ray Pilato ta nabuetag so saray salira, tan nacal ira *ed crus*.

32. Tan dinmago iray soldado tan abuetag day salisali na saquey tan saquey ya nipasac ira ed crus ed abay nen Jesus.

33. Bang nen sinmabi ira ed Jesus, nen anengneng da ya inatey la, ag da abuetag so saray sali to :

34. Bang balet saquey a soldado inabot toy pagueo to na saquey a pica, tan inmagos so dala tan danum.

35. Tan say acanengneng ia, tasion to, tan matua so panagtasi to; tan anta to ya ibaga toy catuaan, piano manisia qui muet.

36. Ta lapud agaoa iraya, piano nasungpal comon so Sulat: Ag yo pabuetag so *saquey a poquet* to.

37. Tan saquey muet a Sulat cuan to: Lilingayan day iman, a inabotan da.

38. Nen ayari la raya, si Jose na Arimatea, ya sicatoy binangatan nen Jesus, a mamot balet ta say tacot to ed saray Judio, aquicasi ed Pilato ya iaboloy to comon so paecal toy bangcay nen Jesus; tan inaboloy nen Pilato. Insan linma, tan inecal toy bangcay nen Jesus.

39. Tan linma muet si Nicodemo, ya dinmalao oari ed Jesus nen labi, a sancaoit toy saquey a calaocan na mirra tan asibar na sanlasus a libra.

40. Inala ra, sirin, so bangcay nen Jesus, tan pinongosan da ed oles a pati sangcap, onung na ugali day Judios na panguiPONPON.

41. Tan diad saman a calugaran, a iner nipasac ed crus, oala oari so saquey a laguertaan, tan diad laguertaan saquey a longon, ya angapon napanguinay buengatla.

42. Diman, sirin, lapud say visperas na Pascua day Judio, ta asinguer iman longonan, inian day Jesus.

Comaduanpolon caoloan.

TAN diad inmonan agueo na simba, si Maria Magdalena linma nen cabuasan nen anbilunguet ni, diad longon, tan anengneng toy aecal so bato na longon.

2. Nen satan binmatic, tan linma ed *caolay* Simon Pedro tan say binangatan a saquey ya inararo nen Jesus, tan cuan to ed sicara: Inecal day Cataoan ed longon tan ag mi antay panguinan da.

3. Tan pinmaoay ira di Pedro tan binangatan a saquey, tan linmara ed longonan.

4. Tan binmatic a nipasaquey iran dua: bang say binangatan a saquey binmatic macoli nen si Pedro, tan acaonan sinmabi ed longonan.

5. Tan nen tinmungon manlingay, aneng-

neng̃ to ray oles a nibantac ira *ed dalin*; bang̃ ag linmoob balet.

6. Insan sinmabi si Simon Pedro, nantotomboc ed sicato, tan linmoob ed longonam, tan aneng̃neñg̃ to ray oles a nibantac *ed dalin*;

7. Tan say panion a nansacob na olo to, ya ag nitipon ed saray oles, no ag alupian ed sananey a lugal.

8. Tan linmoob nen saman so binang̃atan a saquey, ya acaonan linma ed longonan, tan aneng̃neñg̃ tan sinisia to.

9. Lapud ag da ni anta so Sulat: Ya oncana comon ta onoli ed bilay manlapud inateyan.

10. Tan pinmaoil iray binang̃atan ed saray ibiba ra.

11. Bang̃ si Maria balet oadman ed paoay nanang̃uis ed abay na longon: tan pueles ton nanang̃uis, tinmuñgon manling̃ay na longon,

12. Tan aneng̃neñg̃ toy duaran angeles a sicacoes iran amputi ya nanyuryurung̃ saquey ed caoloan, saquey ed casalian na inpañguinan na bang̃cay nen Jesus.

13. Tan cuan da ed sicato: Bii, ¿aquin manang̃uis ca? Cuan to ed sicara: ta inaoit day Cataoan co, tan ag co antay pang̃uinan da.

14. Tan capanibaga to nia, niling̃ay to ed bueneg, ta aneng̃neñg̃ toy Jesus ya oadman: bang̃ ag to anta balet ta sicutoy Jesus.

15. Cuan nen Jesus ed sicato: Bii, ¿aquin

et mananguis ca? ¿Opay anapuen mo? Sicato balet diad caisip to ya sicatoy managlaguertaan, cuan to ed sicato: Cataoan, no sica so nanaoit ed sicato, ibagam pa ed siac no iner so inpanguinan mo, piano naaoit co.

16. Cuan nen Jesus: Maria. Sinmoner ia, cuan to ed sicato: Raboni, ya cabalicsan to, Managbangat.

17. Cuan nen Jesus ed sicato. Ag mo ac dioiten; ta ag ac ni sinmueguep ed Amac: onla ca balet ed saray agaguic, tan ibagam ed sicara: Onseguen ac ed Amac tan ed Ama yo, diad Dios co tan Dios yo.

18. Linma si Marian anguipicabat ed saray binangatan ta anengneneng toy Cataoan ya anguibaga ed sicatoy iraya.

19. Tan nen ngarem la na saman a agueon inmona na simba, tan acaputan iray caput na caoalaan day binangatan, lapud tacot da ed saray Judio, sinmabi si Jesus, tan onalaguey ed puegley, tan cuan to ed sicara: Say careenan ed sicayo comon.

20. Tan capanibaga to nia, ipanengneneng to ed sicara so saray lima to tan pagueo. Tan linmiquet iray binangatan ed inpacanengneneng day Cataoan.

21. Nen satan cuan nen Jesus la muet ed sicara: Careenan ed sicayo comon: onung na inbagui ac nen Ama, ontan muet panbaquian ta cayo.

22. Tan nen nibaga to nia, naniip tan cuan to ed sicara : Acoen yoy Espiritun Santo :

23. Saray paandien yo ray casalanan, na-paandi la ra ; tan saray pabuenbuenan yo ra, nabuenbuen la ra.

24. Banġ si Tomas balet, ya saquey ed saray labindua, ya nġaray Didimo, andid man ed sicara, nen linma si Jesus.

25. Cuan da, sirin, na saray arum a binanġatan : Anenġnenġ mi Cataoan. Tan cuan to : No ag co nanenġnenġ ed saray lilima to so tanda day pasac, tan ilugan coy tamoroc ed abot day pasac, tan ilugan coy limac ed *sugat na* pagueo to, ag ac manisia.

26. Tan nen linmabas so oaloran agueo, oalara la muet ed loob so saray binanġatan to, a pati si Tomas a iba ra : linma si Jesus, ya acaputan iray caput, tan inmalaguey ed puegley, tan cuan to : Say careenan ed sicayo comon.

27. Insan cuan to ed Tomas : Ilugan mo so tamorom dia, tan nanenġnenġ mo ray lilima ; ta iacar mo diay limam tan ilugan mo ed pagueo co, tan ag ca matulag no ag matoor.

28. Inmuebat si Tomas nen saman, tan cuan to : Cataoan co, tan Dios co.

29. Cuan nen Jesus ed sicato : Lapud anenġnenġ mo ac, Tomas, nanisia ca : Mapalar iray ag acanenġnenġ, tan nanisia ira.

30. Tan agaoa muet nen Jesus so arum

nin tatanda, ya ag ira sinulatan ed sayan libro.

31. Saraya balet sinulat, piano sisiaen yo ta si Jesus sicutoy Cristo, say Anac na Dios, tan piano no manisia cayo comon, oalay bilay yo ed panamuegley na ngaran to.

Comaduanpolo tan saquey a caoloan.

INSAN pinmanengñeng si Jesus aminsan ni ed saray binangatan to diad dayag na Tiberias, tan onia so inpanengñeng to.

2. Oalaran tinmipon di Simon Pedro, tan Tomas a nangaray Didimo tan Natanael, ya too na Cana na Galilea, tan saray anac nen Sebedeo, tan arum nin duara ed saray binangatan to.

3. Cuan nen Simon ed sicara: Onla ac mansigay. Cuan da ed sicato: Mila cami muet ed sica: Linmara *sirin* tan linmugan ira ed saquey a sacayan: tan angapoy naala ra ed saman a labi.

4. Tan nen cabuasan la, linmad man si Jesus a inmalaguey ed baybay: bang ag da ataloson na saray binangatan ta sicutoy Jesus.

5. Tan cuan to ed sicara: Ugugao, oalay buengatlay canen yo? Inmuebat ira ed sicato: Andi.

6. Tan cuan to ed sicara: Ibantac yoy iquet ed caoanay sacayan: tan nalmo yo. Inbantac da sirin, tan ag da nayarian paoayen a balot, ta say caraclay sira.

7. Nen satan saman a binangatan a inaro nen Jesus, cuan to ed Pedro: Sicatoy Cataoan. Tan si Simon Pedro nen arenguel to ta sicatoy Cataoan, asingueran toy caoes to (lapud alabos), tan binmantac ed dayag.

8. Tan saray arum a binangatan nansacay ira ed baybay (ta ag ira araoy ed dalin no ag singa duan lasus a taclay), a guinuyur day iquet a *napnoy* sira.

9. Tan nen linmuecsab ira ed dalin, aneng-neng da ray uling a sinelselan, tan saquey a sira ed tapueo, tan tinapay.

10. Cuan nen Jesus ed sicara: Yacar yo diay sira ya inala yo natan.

11. Sinmueguep si Simon Pedro ed sacayan tan inacar toy iquet ed dalin, napno na anca-baleg a sira, ya *say bilanã da*, sanlasus tan liman polo tan talo, tan angano ontan so caraclan da, ag apital so iquet.

12. Cuan nen Jesus ed sicara: Gali dia, mangnan cayo. Tan angapo ed saray binangatan ya acatepuet ed sicato: ¿Opa ca casi? ta anta ra ta sicatoy Cataoan.

13. Sinminguer nen satan si Jesus, tan inala toy tinapay tan initer to ed sicara: tan ontan muet so sira.

14. Saya la so comatlón inpannengñengñen Jesus ed saray binangatan to, nen ayari to lan inmolin binmilay nanlapud saray inateyan.

15. Tan nen acapangan ira, cuan nen Jesus ed Simon Pedro: Simon, anac nen Jonas, ¿aroen mo ac labas nen saraya? Cuan to: On, Cataoan; antam ta aroen ta ca. Cuanto ed sicato: Paagor mo ray corderos co.

16. Cuan to la muet ed sicato nen pidua: Simon, anac nen Jonas, ¿aroen mo ac? Inmuebat ed sicato: On, Cataoan; antam ta aroen ta ca. Cuan to ed sicato: Paagor mo ray ovejas co.

17. Cuan to ed sicato nen pitlo: Simon, anac nen Jonas, ¿aroen mo ac? Aermuenan si Pedro lapud inbaga to ed sicato nen pitlo: ¿Aroen mo ac? Tan cuan to ed sicato: Cataoan; sicay micabat na amin; sicay micabat ta aroen ta ca. Cuan nen Jesus ed sicato: Paagor mo ray ovejas co.

18. Tua lan tua cuan co ed sica, ta nen balbalolaqui ca, nasingueran ta can dili, tan lillinma ed calictan mo: bang balet no masiquen ca la, ibuscag mo ray limam, tan arum so macasinguer *na caoes mo*, tan inacar ta ca diad ag mo labay.

19. Tan cuan to ia, diad panguipticabat toy caonungay patey a panguiigalang toy Dios. Tan capanibaga to nia, cuan to ed sicato: Tomboc ca ed siac.

20. Tan nen nilingay to ed bueneg, anen-
gneng toy binangatan aman a inaro nen Jesus,
ya aquitomboc, tan sicato muet so dinmocol
ed pagueo to nen inpangan ira na labi, tan
anguibaga ed sicato: Cataoan, i opa casi ma-
maentrega ed sica?


21. Nen anengneng ia nen Pedro, cuan to
ed Jesus: Cataoan, i anto casi *nagaoa* ed saya?

22. Cuan nen Jesus ed sicato: Labay co
lanti ya sicato onsiansian angad casabian co,
i antoy pibiang mo? Tomboc ca ed siac.

23. Aibuyac nen satan ian salita ed saray
agagui, ta *salanti* ag onpapatey iman bi-
nanngatan. Bang balet ag to cuan nen Jesus
ed sicato: Ag onpatey; no ag inguen, Labay
co lanti ya onsiansian angad casabian co;
i antoy pibiang mo?

24. Sicato man a binangatan ya macatasi
na saraya, tan insulat to ra; tan anta mi ta
matua so panagtasi to.

25. Tan valara muet nin daquel ya agaoa
nen Jesus, ya no isulat so sinansaquey da,
isip co ta ag nilugan angano diad mundo
saray libro ya oncana comon a sulatan.
Amen.



UNIVERSITY OF MICHIGAN



3 9015 01941 2173



1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100
101	102	103	104	105	106	107	108	109	110	111	112	113	114	115	116	117	118	119	120	121	122	123	124	125	126	127	128	129	130	131	132	133	134	135	136	137	138	139	140	141	142	143	144	145	146	147	148	149	150	151	152	153	154	155	156	157	158	159	160	161	162	163	164	165	166	167	168	169	170	171	172	173	174	175	176	177	178	179	180	181	182	183	184	185	186	187	188	189	190	191	192	193	194	195	196	197	198	199	200
201	202	203	204	205	206	207	208	209	210	211	212	213	214	215	216	217	218	219	220	221	222	223	224	225	226	227	228	229	230	231	232	233	234	235	236	237	238	239	240	241	242	243	244	245	246	247	248	249	250	251	252	253	254	255	256	257	258	259	260	261	262	263	264	265	266	267	268	269	270	271	272	273	274	275	276	277	278	279	280	281	282	283	284	285	286	287	288	289	290	291	292	293	294	295	296	297	298	299	300
301	302	303	304	305	306	307	308	309	310	311	312	313	314	315	316	317	318	319	320	321	322	323	324	325	326	327	328	329	330	331	332	333	334	335	336	337	338	339	340	341	342	343	344	345	346	347	348	349	350	351	352	353	354	355	356	357	358	359	360	361	362	363	364	365	366	367	368	369	370	371	372	373	374	375	376	377	378	379	380	381	382	383	384	385	386	387	388	389	390	391	392	393	394	395	396	397	398	399	400
401	402	403	404	405	406	407	408	409	410	411	412	413	414	415	416	417	418	419	420	421	422	423	424	425	426	427	428	429	430	431	432	433	434	435	436	437	438	439	440	441	442	443	444	445	446	447	448	449	450	451	452	453	454	455	456	457	458	459	460	461	462	463	464	465	466	467	468	469	470	471	472	473	474	475	476	477	478	479	480	481	482	483	484	485	486	487	488	489	490	491	492	493	494	495	496	497	498	499	500
501	502	503	504	505	506	507	508	509	510	511	512	513	514	515	516	517	518	519	520	521	522	523	524	525	526	527	528	529	530	531	532	533	534	535	536	537	538	539	540	541	542	543	544	545	546	547	548	549	550	551	552	553	554	555	556	557	558	559	560	561	562	563	564	565	566	567	568	569	570	571	572	573	574	575	576	577	578	579	580	581	582	583	584	585	586	587	588	589	590	591	592	593	594	595	596	597	598	599	600
601	602	603	604	605	606	607	608	609	610	611	612	613	614	615	616	617	618	619	620	621	622	623	624	625	626	627	628	629	630	631	632	633	634	635	636	637	638	639	640	641	642	643	644	645	646	647	648	649	650	651	652	653	654	655	656	657	658	659	660	661	662	663	664	665	666	667	668	669	670	671	672	673	674	675	676	677	678	679	680	681	682	683	684	685	686	687	688	689	690	691	692	693	694	695	696	697	698	699	700
701	702	703	704	705	706	707	708	709	710	711	712	713	714	715	716	717	718	719	720	721	722	723	724	725	726	727	728	729	730	731	732	733	734	735	736	737	738	739	740	741	742	743	744	745	746	747	748	749	750	751	752	753	754	755	756	757	758	759	760	761	762	763	764	765	766	767	768	769	770	771	772	773	774	775	776	777	778	779	780	781	782	783	784	785	786	787	788	789	790	791	792	793	794	795	796	797	798	799	800
801	802	803	804	805	806	807	808	809	810	811	812	813	814	815	816	817	818	819	820	821	822	823	824	825	826	827	828	829	830	831	832	833	834	835	836	837	838	839	840	841	842	843	844	845	846	847	848	849	850	851	852	853	854	855	856	857	858	859	860	861	862	863	864	865	866	867	868	869	870	871	872	873	874	875	876	877	878	879	880	881	882	883	884	885	886	887	888	889	890	891	892	893	894	895	896	897	898	899	900
901	902	903	904	905	906	907	908	909	910	911	912	913	914	915	916	917	918	919	920	921	922	923	924	925	926	927	928	929	930	931	932	933	934	935	936	937	938	939	940	941	942	943	944	945	946	947	948	949	950	951	952	953	954	955	956	957	958	959	960	961	962	963	964	965	966	967	968	969	970	971	972	973	974	975	976	977	978	979	980	981	982	983	984	985	986	987	988	989	990	991	992	993	994	995	996	997	998	999	1000